

地 180  
39  
部 = 164

76587

甘肅全省新通志

卷 柒拾玖



甘肅新通志卷之七十九

鞏昌府

漢秦嘉妻徐氏字淑平襄人天性聰敏有才識長於詩文哀而不傷得三百篇遺意史稱淑動合禮義言準規矩隨嘉上郡有疾恐嘉內顧曠職遂不面別而還及嘉卒於郡淑親往扶柩以歸全節而終

三國魏姜敘母楊氏冀人楊阜之姑敘爲撫夷將軍屯厯城寨建安中馬超攻冀殺刺史韋康阜至厯城候敘母具言冀中事歔歔悲甚母慨然謂敘曰韋使君遇難豈一州之恥亦汝之負汝無顧我人誰不死死國忠義之大者但當速發我自爲汝當之不以餘年累汝也因飭敘與阜參議阜乃與趙昂梁寬等合謀舉兵攻超超自出攻敘寬等閉冀門超失據因進至厯城執敘母母怒罵超遂殺敘母及其子而去阜上狀魏王手合褒揚

甘肅新通志

卷七十九

人物志

列女四

一

齊略陽坦曇深妻鄭氏字獻英滎陽人劉楷爲交州辟曇深同行未至而卒時氏年二十子文凝始生仍隨楷到鎮晝夜紡織旁無親援年盛美自勵冰霜無敢望其門者居一年私裝盡乃告楷求還楷愴然許之厚爲之送於是閒關危險至鄉葬畢親教文凝經禮訓以義方

宋知州陳寅妻杜氏伏羌人北兵圍城將陷寅殉難氏登高堡自飲藥死同死者二十八人

元張忠妻劉氏伏羌人年二十夫亡守節終身至元二年旌表

明百戶王璵妻石氏鞏昌衛人璵亡氏孝奉翁姑撫孤成立守節終身

百戶汪溶妻白氏鞏昌衛人年二十七夫亡家貧紡織撫孤成立



守節終身

指揮趙誥妻閻氏鞏昌衛人年二十七夫亡撫孤成立守節終身  
百戶胡鑑妻韓氏鞏昌衛人夫亡撫孤成立守節終身

指揮閻橋妻陸氏鞏昌衛人年二十五夫亡守節六十五年卒

指揮汪川妻張氏鞏昌衛人年十六夫亡孝奉孀姑撫孤成立守節六十餘年卒

王愛妻朱氏鞏昌衛人年二十八夫亡守節終身

生員王彤妻李氏鞏昌衛人年二十四夫亡自縊於室家人覺救之他日送母喪歸縊於室郡守與衛守聞之往弔

指揮汪福妻葛氏鞏昌衛人年十九夫亡孝奉翁姑守節終身詔旌表其門

指揮董諒妻雷氏鞏昌衛人青年夫亡撫遺腹子成立襲父職以

甘肅新通志

卷七十九

人物志 列女四

二

功陞都指揮詔旌其門

米烈女小字鳳姐安定米金女年十七字王生未歸王卒女欲弔父母不許乘閒至王柩所慟哭而返遂自縊宣德閒旌表

會甯縣丞彭珏妻王氏河南鄆陵人正德七年二月珏解糧入京會流賊破城突入縣衙欲擄氏去氏大罵曰犬賊何敢污我衣冠

家賊怒斧破其腦死事聞旌表

知縣張維弔烈婦欲噫流賊之倡亂兮血刃相高歎生民之罹害兮

四顧莫逃畏犬羊之污穢兮生不忍遭攻枝楊而失陷兮厭聽哀號獨宜人之審義兮超越凡曹奮貞烈而就死兮鐵石其操來觀風之奏聞兮冰玉是褒發聖明之旌表兮幽冥君蒿嗚呼時何時兮勢何勢兮全夫義兮其烈火之真金兮垂之青史殆與天地相攸久兮聞斯感兮孰不流涕兮

王廷貞妻郭氏安定人正德中寇亂破堡欲污之氏大罵披其頰寇刺其目而死

貢生李暢妻汪氏甯遠人年三十夫亡孝奉翁姑撫孤成立守節



終身

生員王經妻方氏安定人經遇寇被害氏聞之痛哭投崖死時年二十四

趙全妻張氏安定人全墜馬死氏自縊

賈時宜妻張氏安定人年二十六夫亡於淮氏偕女伴扶柩歸里守節四十年卒

杜任遠妻張氏甯遠人青年夫亡撫孤成立守節終身

楊璿妻郭氏安定人年二十夫亡撫孤成立守節六十年卒

監生王應槐妻張氏安定人夫亡遺妾二子幼有白金六百氏理之甚密及二子長乃集親黨出金均畀曰吾事畢矣年八十一卒

生員張嘉相妻李氏安定人年二十四夫亡孝奉翁姑撫孤成立守節終身事聞旌表

甘肅新通志

卷七十九

人物志 列女四

三

何烈女小字武英伏羌何景元女也母早喪事父至孝嘉靖甲午

流賊作亂入其家欲污之女怒罵力拒賊遂刺女方刺時忽黃犬從旁齧賊石股拽七八步鄰人楊景和聞喊恃勇赴救賊並景和

與犬撲殺之邑人爲立烈女祠

邑人王羌特題萬曆丁巳縣令王公從善暮過其鄉狂風忽起月影

中彷彿見一女子若泣訴狀詢諸里人蓋烈女死節處也遂爲立祠繪像其中女生山谷窮鄉身未親姆師之訓目不習壺教之書乃義不受辱罵賊而死即古之清風嶺上明月井中豈有過與嗚呼殺身成仁士大夫之所難而竟得蒞屋女子乎富平李樟弔以詩云宛轉緣回溪連峰森壁立茅茨叢薄閒華表臨道側祠宇儼明妝精靈此出入誰言簪笄人風義動今昔強禦定足畏捐軀在呼吸當其激烈時天地爲肅寂惻惻想百年後俯仰一悲慄清露泣林葉微雲淨遙碧回看渭水流日來終無極甯遠知縣馮同憲再題詩云隴坻西連朱圍東渭流浩蕩勢頗雄一閒祠宇水山際千載英靈閨閣中閨閣英靈本濫竽生平不解奉師姆了頭待字正當時二十未盈餘十五饑亂潢池忽弄兵縱橫殺掠如風雨玉顏自古累身多逼側倉皇不自主仰面呼天天不聞詈詞烈烈當豺虎分將鋒刃似飴甘白璧千金碎泥土戶牖喧飀吠厖哀日星慘澹鄰人怒鄰人慷慨好少年厖也猶猶在傍邊倒拽兇徒短後衣少年奮臂斫其肩欲救青娥那可得同時畢命到黃泉獨乘正氣歸無極人世倏倏變海田久借丹青光邑里敢從花柳哭嬋娟我



來幾度過祠側瞻望下馬爲太息林際長清少女風簷端正耀高  
秋日寄言華屋綺羅人更是大冠戟鬚客白雲曉起暮煙青萬載  
千秋古  
冀城

王虞封妻劉氏安定人年二十三夫亡撫孤成立守節終身萬歷  
中旌表

張某妻薛氏安定人年十七夫亡撫孤勳成立入庠守節終身已  
蒙旌表

王某妻南氏安定人年十九夫亡撫孤成立守節六十餘年卒

趙藻妻石氏安定人年二十一夫亡孝奉翁姑撫孤成立守節終  
身巡方表之

王科妻史氏甯遠人青年夫亡撫孤成立守節三十餘年卒

生員陳周典妻張氏安定人年二十夫亡撫孤炳成立守節終身  
于祥光妻吳氏甯遠人青年夫亡撫孤鵬成立鵬又早亡媳郭氏

甘肅新通志

卷七十九

人物志 列女四

四

奉孀姑撫遺孤均守節五十餘年卒

生員李培妻楊氏安定人年十七夫亡撫遺腹子如松成立守節  
終身癸未冬賊殺如松媳傅氏罵賊不受辱與夫同死

康汝善妻陳氏安定人年二十五夫亡撫孤成立守節終身

生員賈學誼妻安氏安定人夫亡殮畢乘閒縊死柩側

舉人景彥和妻陳氏安定人年二十三夫亡孝奉翁姑撫孤成立  
守節六十年卒

生員張大器妻李氏安定人夫亡氏痛哭不食七日而死

李珩妻禮氏安定人夫亡氏自縊

生員李鶴妻郭氏通渭人鶴疾不起氏憑尸悲號氣絕者屢家人  
防少懈乃付其女於伯氏梳櫛整容蒙被而臥以綾帕繫頸家人  
救蘇蒙袂覆面不復食越三日而死時年二十有五



生員楊必暢妻王氏安定人年二十夫亡不食而死

劉大俊妻金氏通渭人年十六于歸甫三載夫病風痺甚浴於邑溫泉遇暴風兩山水陡發不能動氏在旁扶夫夫使急走氏號泣堅持不肯去與夫並溺死屍流數里兩屍始出氏猶挽夫不釋事聞旌表入祠

宋榮妻張氏伏羌人年二十九夫亡守節終身旌表入祠

謝子顯妻張氏伏羌人年二十七夫亡守節終身旌表入祠 按

縣志二氏俱經歷張珏之女珏妻王氏性嚴謹有法故二女同節

任琦妻王氏甯遠人年二十夫亡撫孤成立守節終身上聞旌表

生員周溥妻張氏甯遠人年二十夫亡守節五十年卒上聞旌表

訓導魏文訓妻韓氏通渭人文訓卒於官氏年二十二扶柩還鄉

撫孤成立官撫甯衛經歷守節六十一年卒

甘肅新通志

卷七十九

人物志 列女四

五

李辰妻趙氏通渭人年二十夫亡撫孤成立守節終身巡按表其門

生員吳秉禮妻賈氏通渭人年二十夫亡撫孤成立守節終身

廩生王大賓妻馮氏會甯人大賓病沒氏自縊柩前時年十八

侯卿妻翟氏甯遠人遇賊投河溺死

治烈女岷州人教諭治郊之女郊之任南樂妻女從焉郊妻楊氏

病篤女晝侍湯藥夜則焚香籲天願以身代四十餘日未嘗解帶

楊氏卒女號哭三晝夜自縊死

審御史孝泉王某誌其墓曰仁而孝義而裁以死殉母豈匹夫之為

諒哉治娥曹娥異世同哀

國學生康之誥妻郭氏甯遠人子其廣亦國學生俱亡氏矢志多

年寇至投崖死

安貞女伏羌增生安乾一女也年十二弟痘危女私祝乞以身代



後父母皆亡女年十九未字善撫母弟家貧甚夜績晝春賣餅度生誓死不嫁後弟又卒弟婦遺腹生男女又撫之成立女年九十三以壽終歿三日顏色如生遂葬於弟墓之左至今安氏猶號爲白角姑或稱披角姑云

童生李文秀妻秦氏岷州人年十八夫亡殯時仰藥以殉家人合葬焉

張烈女小字招姐會甯人幼字靖遠衛生員陳嘉賓嘉賓貧甚值歲饑餓死女聞之痛哭三日不食其母怒詈另字鄉人鄉人約其父母遠避以馬強迎之女持刀堅拒娶者懼策馬而回父母還責罵之女遂自縊邑人張成敘弔以詩云正氣沖天地冰霜許寸腸不乘生駿馬願作死鴛鴦有美閨中玉何知陌上桑慚予非史筆爲爾一標揚

舉人楊安妻賈氏伏羌人青年夫亡撫孤景陞成立守節七十七

### 甘肅新通志

### 卷七十九

人物志 列女四

六

年卒後景陞早亡媳趙氏年二十二撫孤俊成立俊又早亡媳任氏年二十五撫孤時濟成立後時濟又早亡媳康氏年二十二撫孤成立均守節終身

王應乾妻李氏通渭人早年夫亡守節四十餘年卒

鄭得時妻呂氏伏羌人得時亡氏負幼女投水死

曹盛妻韓氏通渭人早年夫亡守節四十餘年卒

吳瀾妻李氏 魏文昇妻張氏 吳澣妻張氏俱通渭人均夫亡

撫孤成立後先旌表

貢生張獻圭妻章氏通渭人早年夫亡撫孤成立子亡又撫孫守節四十餘年卒

生員李節妻邢氏通渭孝子邢自明女夫亡撫孤時春成立入庠守節終身



生員李騰妻張氏通渭人早年夫亡撫孤文光成立入庠食餼守節終身

生員宋瑤妻趙氏通渭人早年夫亡撫孤副芳成立入庠食餼守節終身

李應登妻里氏通渭人早年夫亡撫孤成蔭入庠食餼守節終身  
生員楊漸妻盧氏通渭人早年夫亡撫孤友槐成立入庠食餼守節終身

陳尙才妻史氏通渭人早年夫亡撫孤養素成立入庠食餼守節終身

王崇文妻吳氏通渭人早年夫亡撫孤之鼎成立守節終身

孔夢周妻曹氏通渭人年二十三夫亡撫孤學堯成立守節終身

權益忠妻路氏通渭人早年夫亡撫孤秉正成立入庠食餼守節

甘肅新通志

卷七十九

人物志 列女四

七

終身

田有妻梁氏通渭人年二十餘夫亡撫孤應詔成立入庠守節五十年卒

生員魏成謨妻李氏伏羌人成謨亡氏哀毀成疾未及兩月亦亡

生員盧瀛妻李氏伏羌人年二十五夫亡孝奉孀姑撫孤成立守節七十餘年卒

樊永貴妻劉氏漳縣人年二十六夫亡撫孤秀俊俱成立秀入庠守節三十四年卒萬歷間旌表

張震妻王氏伏羌人年二十夫亡撫孤成立守節四十餘年卒

黃相妻馮氏伏羌人夫亡無子撫夫姪爲嗣守節終身

生員蒲輪妻楊氏伏羌人早年夫亡無子守節五十年卒

李萱妻王氏伏羌人早年夫亡無子守節終身



涿州同知馮雲龍妻黃氏伏羌人早年夫亡守節終身  
瀘州同知鞏養重妻杜氏伏羌人早年夫亡撫孤成立守節三十餘年卒

蔣毅妻李氏伏羌人夫亡孝奉翁姑撫孤成立守節終身

盧志會妻安氏伏羌人年十九夫亡守節六十二年卒

王本義妻趙氏伏羌人年二十二夫亡守節四十五年卒

陳嘉諫妻武氏伏羌人夫亡守節五十年卒

周某妻謝氏甯遠人年二十六夫亡撫遺腹子成立守節五十餘年卒事聞旌表

朱嗣商妻王氏伏羌人年二十五夫亡撫孤成立守節終身

王繼忠妻李氏西和人年二十四夫亡孀姑姚病垂危氏傷母痛夫遂飲藥卒

甘肅新通志

卷七十九

人物志

列女四

八

申大亨妻楊氏岷州人家極貧夫邁疾不能供湯藥氏以裙覆其夫乞米於鄰及歸而夫已亡痛哭遂縊於屍側

生員李蘭繼妻胡氏西和人夫亡撫前室遺孤成立守節終身

歲貢任政妻唐氏西和人幼時母病有言古孝婦割股療病者氏遂割左股進母病尋愈後歸政教子生廣生瑜有方

指揮后輔妻曹氏岷州人夫早亡守節六十餘年卒

指揮張概妻許氏岷州人概陣亡氏年二十三撫孤騰龔廕騰亡復撫遺孫宗元承龔宗元又陣亡苦節六十餘年卒

王讓繼妻劉氏岷州人早年夫亡撫前室子成立守節三十三年卒

指揮葉玉妻張氏岷州人年二十七夫亡撫孤彩承龔後彩亡又撫遺孫國正承龔守節四十二年卒



孟阿妻尹氏岷州人早年夫亡撫孤成立守節四十年卒

生員曹來鳳妻楊氏妾陳氏岷州人來鳳卒妻年二十二無子妾年二十六生二子均守節三十餘年卒

廩生張宏道妻曹氏岷州人年二十六夫亡撫孤廷俊廷英成立俱入庠食餼守節終身

貢生馬養中妻虎氏岷州人年二十五夫亡撫孤名卿成立官吳堡縣訓導守節五十五年卒

孔心法妻景氏通渭人于歸二年夫亡孝奉翁姑撫孤毓秀成立入庠守節終身崇禎中旌表建坊

西和知縣耿桂芳子媳冢王氏次嚴氏與女五姐浙江蠡縣人俱殊色崇禎八年流賊至西和夜攻城將陷三人懼爲所辱同室縊死明日賊首搖天動見之亦爲歎惜

甘肅新通志

卷七十九

人物志 列女四

九

杜時茂妻安氏安定人年二十一夫亡撫孤成立後闖賊破城闔而義之一門免禍守節六十五年卒詔旌其門

張大韶母杜氏安定人闖賊陷西安氏先期數日不食及城破觸階而死

貢生張國鋐妻楊氏安定人崇禎十六年冬賊賀錦攻安定城急國鋐與里紳劉耀龍議丁壯禦賊女子運石接濟氏與劉之婦首率閭閻女子共運石及城陷氏抱石死於壕賊退家人跡獲屍兩手猶抱石不脫生員張維妻安氏張國穎妻彭氏俱以運石擊賊死於賊手

石傅璽妻張氏安定人崇禎癸未闖賊陷城掠氏至兄大韶家縶其手死於窗櫺之下時年二十餘

生員楊清妻王氏 王三鼎妻謝氏 楊復階妻石氏均安定人



闖賊陷城俱同夫自縊巡方命建祠東關

生員康令甲妻馬氏甯遠人守節數十年賊突至以切麪刀自刎而死

張傑妻李氏隴西人傑爲賊殺掠氏送紅旗彭四氏謂賊曰吾夫已死自當從君奈所累者此二歲子耳汝急去之賊遂殺其子後覓氏不見次日從門樓後大竹園中見氏縊死賊衆義之藁葬其尸

廩生郭秉廉妻盧氏通渭人崇禎癸未之變城將陷夫婦同縊於室賊至見夫婦並懸嬰兒啼於地悲歎而去

生員張斗南妻張氏西和人年二十一流賊入城逼之行率二子甲寅庚午投火焚死

蕭正遺妻李氏洮州衛人明末流寇遍野遇賊逼之氏持斧欲殺

甘肅新通志

卷七十九

人物志 列女四

十

賊被害

貢生劉必魁妻張氏西和人年二十流賊入西峪堡氏詈罵賊殺之

遇判鞏龍光繼妻馬氏伏羌人明末流寇攻城士民晝夜守禦窮寒多無食者氏每煮粥以食之並助錢粟油燈城卒全邑人感義之

國朝生員羅在堂妻馬氏隴西人早年夫亡事翁撫孤以孝慈稱康熙十四年吳逆叛僞將陳元經等竊據隴西氏攜媳李氏女瑞蘭避居斗底山六月賊至氏手挽媳女墜崖下死同時避亂山中者有貢生陳文言媳陳氏增生李國祥妻史氏生員王家駒妻謝氏女二姐聞氏死亦墜崖死

生員張傑妻李氏隴西人傑爲賊殺掠氏送紅旗白四氏好言哄



白他出及歸而氏已自縊

駱元圖妻包氏隴西人年二十九夫亡撫孤成立守節終身雍正七年 旌表

李炳妻陳氏隴西人年二十一夫亡無子孝奉翁姑撫夫姪爲嗣守節終身雍正七年 旌表

杜曉妻石氏隴西人年二十一夫亡翁司訓興安未幾亦卒氏攜孤廷璋跋涉千里扶櫬歸葬撫孤成立入庠雍正七年 旌表

生員景俊妻張氏隴西人姑王氏患背疽氏吮膿中毒幾絕年二十九夫亡撫孤學聖至成立後子又早亡媳王氏年二十五奉孀姑撫遺孤姑守節五十餘年卒媳守節三十餘年卒雍正七年 旌表

劉俊妻馬氏隴西人年二十七夫亡孝奉孀姑撫孤成立入庠

甘肅新通志

卷七十九

人物志 列女四

十一

正七年 旌表

張雄妻宋氏隴西人年二十七夫亡撫孤成立守節四十餘年卒雍正八年 旌表

劉斌妻趙氏隴西人年二十三夫亡孝奉翁姑撫遺腹子成立守節三十五年卒雍正十年 旌表

石盤妻郭氏隴西人年二十八夫亡孝奉翁姑撫孤成立守節四十五年卒雍正十年 旌表

李中梅妾張氏隴西人年二十五夫亡無出嫡室楊氏亦亡遺孤甫二歲撫之成立守節三十餘年卒雍正十年 旌表

杜暢盛妻周氏隴西人年二十四夫亡孝奉翁姑撫孤成立守節三十一年卒雍正十年 旌表

楊興妻趙氏隴西人早年夫亡孝奉衰翁撫孤成立守節三十餘



年卒雍正十年 旌表

彭天修妻王氏隴西人年二十六夫亡撫孤成立守節三十餘年卒雍正十年 旌表

李大綸妻楊氏隴西人年二十五夫亡守節四十餘年卒雍正十年 旌表

李連妻孫氏隴西人年二十七夫亡孝奉孀姑撫孤成立守節三十四年卒雍正十年 旌表

生員趙之英妻王氏隴西人之英病亡氏自縊柩前時年二十五鄧楫妻嚴氏隴西人年二十二夫亡撫孤良材成立入庠後子亡又撫遺孫苦節終身

生員董鎮妻杜氏隴西人年二十二夫亡孝奉衰翁撫孤成立守節終身

甘肅新通志

卷七十九

人物志 列女四

三

進士侯樹銜妻王氏隴西人事姑孝同治五年八月二十一日逆回陷郡城時樹銜及子鑑涵在秦州氏整衣將投縵賊入氏詈罵賊手刃之時年六十有三

優貢武齡妻朱氏隴西人青年夫亡矢志守節同治五年八月城陷賊入其家氏大罵賊撲擊之垂斃閉置室中越日賊退弟聯甲昇以歸尋卒

歲貢原密妻陳氏隴西人早年夫亡撫二子成立長繩祖庠生次繹祖優貢均早亡氏撫遺孫簡城將陷氏命簡出逃積薪庭中將自焚簡依依不忍去俄賊至刃之簡以身翼蔽皆死

原烈女小字國瑞隴西人吏部主事巨川之女父早亡年十七未字城陷其母先飲藥女亦飲賊至脅之女抱父粟主哭賊榜掠其母女以身翼蔽竟體無完膚已而毒發仆地母女同死粟主在側



焉

張仁妻李氏隴西人城陷賊入家氏曰遣姑與妹出城當從汝賊送其姑與女以出挾氏乘馬行氏度姑與妹行已遠乃下馬泣罵賊刃之

原某妻某氏隴西人城陷氏先縊死二子自縊於柏樹南安書院即其地院內供氏牌時致祭焉

尙夢熊妻趙氏隴西人夫亡守節光緒閒 旌表

從九陸俶妻汪氏隴西人青年夫亡撫孤步津成立守節六十餘年卒光緒十二年 旌表建坊闔邑匾頌曰冰清玉潔

監生王文炳妻高氏隴西人夫亡守節光緒閒 旌表

教諭曲鳳諧妻汪氏隴西人夫亡守節三十四年卒

童生曲工妻謝氏隴西人夫亡守節二十六年卒

甘肅新通志

卷七十九

人物志 列女四

三

武生原康健妻朱氏隴西人夫亡守節光緒閒 旌表

馬清妻焦氏隴西人年二十四夫亡撫孤秦成立守節六十年卒

馬世忠妻王氏隴西人世忠殉回難氏年三十撫孤成立守節三

十五年卒光緒閒 旌表

張鏞妻趙氏隴西人早年夫亡孝奉孀姑撫孤成立守節二十八  
年卒

曲子賢妻楊氏隴西人早年夫亡撫孤成立守節四十一年卒

王樸妻杜氏隴西人年十九夫亡無子撫夫姪鳳鳴成立入武庠

守節四十二年卒

楊興妻謝氏隴西人與殉回難氏撫孤成立守節二十餘年卒

楊治妻王氏隴西人年三十夫亡撫孤時中成立入庠守節二十

六年卒



汪蕭妻林氏隴西人早年夫亡撫孤成立守節終身  
 童生馮禹文妻駱氏隴西人年二十一夫亡不食死  
 道員祁兆燧繼妻吳氏隴西人舉蘭吳可讀之女早年夫亡撫孤  
 蔭杰成進士官主事守節三十年光緒閒 旌表現存  
 杜烈女隴西畫工杜永第三女守馬運夕未歸某造私言污讟女  
 聞之遂仰藥死光緒二十三年事知縣黃家模監烈女碑  
 王永康妻張氏隴西人年十七夫亡自縊以殉時光緒三十一年  
 五月十六日也

附同治間回亂殉難烈婦表

馬氏 汪秉鈞妻

右三年十二月分

羅氏 賈臨妻

劉氏 米愈濃妻

潘氏 愈濃媳

甘肅新通志

卷七十九

人物志 列女四

四

右四年三月分

李氏 徐次彥妻

鄭氏 徐思達妻

右四年五月分

李氏 蔡閻氏第三媳

樵趙氏 守節夫名未詳

祁氏 監生牟應才妻

劉氏 劉進才妻

胡氏 武舉米永泰媳

烈兒 王大成女 善吟詩

杜氏 汪應喜妻

李氏 趙忠母

楊氏 徐彩母

張氏 張從仁妻

槐歲 張齡女

徐氏 張如鏞妻

王氏 王守仲媳與幼孫明明同殉

范氏 武生王芝珍妻並幼女死

張氏 附生何維翰妻

張氏 張仁妻 守節

楊氏 徐彬母並幼孫殉

祁氏 陸訓妻與幼子善娃同殉

王氏 賈造妻

孟氏 縣丞左延齡妻

鄔氏 主事原巨川妻

郭氏 王敦教妻並幼女殉

何氏 巡檢陸步瀛妻並小女殉

文氏 陸步斗妻

李氏 陸步奎妻

党氏 同知銜祁煥南妻守節

田氏 牟瑋妻

祁氏 原箴妻同小兒殉

左氏 楊植本妻

左氏 陳廷俊妻守節

包氏 生員原鵬翼妻

陳氏 潘汝梅母



楊氏 潘汝梅妻 青年守節 郭氏 楊聯璧母 姬氏 楊聯璧母 秀兒 聯璧妹

金氏 生員陳繼韶母 劉氏 繼韶妻 頡氏 武舉朱懷善妻 楊氏 廩生朱銑敏母並守節

祁氏 生員曲鳳集妻 陳氏 生員曲鳳翼妻 姬氏 曲鳳翼媳 陸氏 前古浪訓導祁繼唐妻

何氏 祁俊妻 琴姑 祁俊女 党氏 祁鑑南妻 李氏 監生祁振唐妻

楊氏 祁日文妻 珍姑 祁允文女 蔣氏 祁允武妻 朱氏 道員祁兆庚妻

莫氏 監生祁禮妻守節 錫祿 貢生祁紹唐女 王氏 廩生祁聯登妻 郭氏 李友桐妻

訓訓 友桐女 白氏 李友桐媳

右五年八月分

汪氏 段士佶妻年七十四歲同夫殉 萃兒 廩生文衡妹

右七年四月分

徐氏 趙楫妻

右十二年三月分

甘肅新通志 卷七十九 人物志 列女四 五

章氏 生員張耀南妻守節撫子城陷與次子定魁殉 閻氏 生員蔡濟時母守節 李氏 閻氏媳

李氏 貢生張彥妻守節年七十有二與幼孫金柱殉 王氏 陳銳母 白劉氏 夫名未詳

王氏 梅才妻 陳氏 孟臣堯妻 魏氏 生員焦養源祖母 趙氏 焦養源母均青年守節姑

年七十有四媳年五十有五 汪氏 王大成妻並幼女殉 李邢氏 夫名未詳 朱氏 生員邢登瀛母

右年月未詳

生員楊蒙妻樊氏漳縣人年二十四夫亡撫孤成立入庠守節四十餘年卒雍正十年 旌表

生員李定世妻趙氏漳縣人年二十八夫亡撫孤成立入庠守節四十二年卒雍正十年 旌表

生員楊孚妻李氏漳縣人年二十夫亡撫孤成立守節三十餘年卒

生員汪宗漢妻包氏漳縣人年二十六夫亡撫孤成立守節終身



生員趙世基母王氏漳縣人年二十七夫亡世基方八歲家貧教子讀書冬月燈火弗繼氏拾馬糞煨火令以香頭映字卒列學宮苦節終身

生員汪濟奉妻白氏漳縣人年十九夫亡撫孤成立守節三十八年卒

增生包植生妻趙氏漳縣人年二十三夫亡撫孤成立守節三十八年卒嘉慶十一年 旌表

張超妻李氏漳縣人年二十九夫亡撫孤成立守節四十八年卒道光元年 旌表

生員包竹妻李氏漳縣人年二十一夫亡撫孤成立入庠守節三十三年卒道光十八年 旌表

何治妻劉氏漳縣人年二十五夫亡撫孤成立入庠守節二十六年卒道光十八年 旌表

甘肅新通志

卷七十九

人物志 列女四

夫

汪瑞妻連氏漳縣人年二十夫亡撫孤成立守節三十三年卒道光十八年 旌表

成智妻范氏漳縣人年三十夫亡撫孤俊清成立入庠守節二十餘年卒道光十九年 旌表

韓自顯妻包氏漳縣人年二十七夫亡守節三十年卒咸豐間旌表

段文炳妻包氏漳縣人年十九夫亡撫孤志譔成立入庠食餼貢成均守節終身光緒間 旌表

鄭孝成妻杜氏漳縣人早年夫亡孝奉翁姑撫孤成立守節三十餘年卒

連丕烈妻郭氏漳縣人年二十九夫亡孝奉翁姑撫孤成立守



節三十一年卒

賈鳳攀妻侯氏漳縣人年二十八夫亡撫孤映基成立守節三十五年卒

生員成鳳翔妻周氏漳縣人年二十三夫亡孝奉翁姑撫孤成立守節五十七年卒

楊鳳齡妻原氏漳縣人年二十四夫亡孝奉翁姑撫孤成立守節四十年卒

成繼武妻孫氏漳縣人年二十夫亡無子撫夫姪爲嗣守節五十六年卒

生員成杰妻傅氏漳縣人早年夫亡撫孤邦華成立入庠守節終身

劉起豐妻汪氏漳縣人年二十二夫亡孝奉孀姑撫孤永錫成立

甘肅新通志

卷七十九

人物志 列女四

七

入庠守節三十餘年卒

陶珠妻汪氏漳縣人隴右汪世顯裔女年二十一夫亡無子孝奉翁姑撫夫姪爲嗣守節四十一年卒

武生趙宗顯妻蔡氏漳縣人年二十八夫亡無子撫夫甥爲嗣守節三十六年卒

生員陳萬鍾妻劉氏漳縣人早年夫亡孝奉翁姑撫孤成立守節六十餘年卒

張倫妻楊氏漳縣人年二十六夫亡撫孤成立守節五十七年卒  
增生李朝選妻趙氏漳縣人朝選亡服毒以殉

連信盛妻李氏漳縣人信盛亡自縊以殉

李長泰妻汪氏長豫妻陳氏漳縣人長泰亡汪無子服毒以殉長豫亡陳年二十四撫孤成立守節終身



韓音保妻朱氏漳縣人年二十五夫亡撫孤成立守節五十三年卒

楊興春妻汪氏漳縣人年二十五夫亡撫孤棲鶴成立入庠守節終身

包資深妻駱氏漳縣人年三十夫亡撫孤成立守節三十餘年卒

蘭樹楨妻張氏漳縣人樹楨亡氏不食死時年二十  
馮烈女漳縣人幼字人年及笄未歸父母有異議女聞之夜投縊死

附同治間回亂殉難烈女表

丁氏 成應 熊妻 馬氏 王統業 妻守節 文氏 李敷榮 妻守節

右四年五月分

盧氏 成至德妻 拔貢海鵬母 襟繡 馬世 孝女

甘肅新通志 卷七十九 人物志 列女四 六

右四年九月分

岳存虎妻王氏安定人年二十一夫亡自縊柩前時康熙二十年五月初六日也二十一年 旌表

張嶺妻楊氏安定人年二十四夫亡孝奉翁姑撫孤之翰成立入庠守節六十餘年卒雍正十年 旌表

高必達妻袁氏安定人年十四于歸未越月必達遠遊雲貴氏孝奉孀姑姑歿夫死於外撫孤成立守節五十餘年卒

張嵐妻蘇氏安定人年十九夫亡孝奉孀姑撫孤成立守節終身  
生員張鵬翔妻曹氏安定人年二十三夫亡撫遺腹子辰成立入庠守節終身

卜元吉妻高氏安定人年二十二夫亡翁欲嫁之聘者至門氏即剪髮擲地掣其耳環血淋漓滿頰姑素賢相抱而泣少頃氏給入



厲急趨投崖鄉鄰救之得免以節終

安汝衡妻張氏安定人年二十二夫亡撫孤成立守節終身

王延壽妻左氏安定人年二十三夫亡孝奉翁姑撫孤成立守節三十年卒雍正十年 旌表

生員王心一妻陳氏安定人年二十六夫亡孝奉翁姑撫孤成立守節終身

趙之璧妻魏氏安定人有殊色夫久病遂垢面蓬頭家貧無子密具二棺不使夫知夫死之夜遂自縊親友義而合葬焉

舉人景彥和妻陳氏安定人年二十三夫亡孝奉翁姑撫孤成立守節六十年卒

安隄妻李氏安定人早年夫亡孝奉衰姑撫孤成立守節終身

生員馬式妻周氏安定人早年夫亡無子孝奉翁姑守節五十年

甘肅新通志

卷七十九

人物志 列女四

九

卒

監生安培基妻陳氏安定人年二十五夫亡撫孤成立守節三十餘年卒

刑部主事賈揚宗妾剡氏安定人年未三十夫亡家貧子孫他徙氏獨守故居不去守節終身

童生安懷直妻何氏安定人夫亡仰藥以殉時年二十四

范恩妻張氏安定人年二十夫亡撫孤成立守節五十餘年卒

李豔春妻張氏安定人豔春病歿越日自盡時年十九

張某妻王氏安定人年二十二夫亡仰藥自盡

監生貴祥齡妻楊氏安定人年二十七夫亡茹苦含辛撫孤薰成  
立入庠守節三十五年現存

附同治間回亂殉難烈女表



景氏李文煥妻

右二年十二月分

楊氏范振晉妻 黃氏馬乾元妻

右三年四月分

李氏效忠妻並閣家二十餘口殉

張氏文童宋翼周妻

李氏宋翼周姪媳

右三年十月分

何氏夫名未詳

右三年十二月分

王氏監生馬成德妻 陳氏康九福妻

右五年三月分

陳氏馬鳴和妻

右五年十月分

甘肅新通志

卷七十九

人物志

列女四

三

宋氏附生張鵬翰妻

王氏武舉馬恂妻同子殉

康氏武生馬尙仁妻

魏氏安懷禮祖母

李氏安懷忠妻

梁氏馬德乾妻

紀氏廩生馬德超妻

馬氏王定九妻

朱氏馬世忱妻

林氏陳文淵妻

景氏安能遷妻

楊氏廩生馬叶乾母

高氏武舉安鎮嫂

安氏景耀春母

陳氏景耀春妻

高氏景和春妻

任氏陳發祥妻

王氏武舉魯興海母

顏氏生員馬懷德妻

康氏生員馬偉山妻

安氏監生馬宗周妻

張氏生員馬銘妻

吳氏馬鈞妻

蘇氏馬鈞妻

馬氏生員馬仰周妻

張氏廩生景介福母

吳氏夫名失考

劉氏

郭氏並吳氏媳

張氏馬積山妻

康氏馬作山妻

張氏張典之妻

李氏夫名失考

曹氏張超妻

蘇氏夫名失考

馬氏生員馬世昌妻

生員米世發妻李氏會甯人年二十三夫亡撫孤重玉入庠食餼

守節終身順治間 旌表

右六年四月分



生員郭允順妻和氏會甯人康熙乙卯吳逆陷城允順投井死氏年二十一撫孤成立入庠食餼守節五十一年卒

生員吳其蕊妻李氏會甯人逆寇破城家人奔竄氏以弱質懷七月孕投井死時年十七

會甯縣典史汪玉虹妻陳氏隨夫任所康熙十四年玉虹赴南安氏竭力事姑後姑歿氏獨守靈幃六月城陷賊入署氏投井死其年十二月 旌表

高近明妻何氏會甯人家甚貧夫妻子女傭工於東嶽廟僧甯應貞康熙三十三年十一月十三日應貞調戲氏不從十二月二十七日強姦氏拒罵應貞持斧擊氏并氏女女即殞命氏越日身死後應貞伏誅氏於二十四年 旌表

甘肅新通志

卷七十九

人物志

列女四

三

氏大罵守本持刀斫斃康熙三十七年 旌表

柳懋綸妻王氏會甯人夫病亡氏撫屍悲痛絕粒不食三日含殮畢是夜遂以白練自經死柩前曹惟恂弔以詩云紅顏誰不惜春

四方慷慨相從與偕行生宜室家為鸞鳳沒後豈甘參與商昭昭大義凜冰霜堂堂正氣參穹蒼漫道柏舟有共姜漫學孤陰燕巢梁遐邇傳聞懿德彰維風砥俗美無疆古昔賢媛應頡頏眉望之且傍徨指日 綸音賜表揚門閭生輝姓字香執管欲抒景慕腸自愧才疏不成章聊將村醪奠一觴貞烈堂前拜遺芳

徐烈女小字蘭英會甯知縣徐文瓚女死於康熙三十九年七月事蹟失考墓在縣桃花山黑虎殿側

陳五妻張氏會甯人年二十餘夫出外貿易未歸氏苦節終身

馬如龍妻吳氏會甯人早年夫亡孝奉翁姑撫孤成立守節二十一年卒

生員朱有繡妻劉氏會甯人年二十一夫亡撫孤成立入庠守節



四十一年卒

生員吳友古妻王氏會甯人年二十一夫亡撫孤成立守節五十年卒

王琮妻尙氏會甯人年二十五夫亡孝奉翁姑撫孤成立守節六十餘年卒

趙國璧妻王氏會甯人年二十三夫亡撫孤之牧成立入庠守節

終身知縣徐文瓚弔以詩云歌成別鶴詞悲辛何事當時惜此身止為半生存孀子未甘一死報良人機梭月下經營老風雨燈前課藝類宣孟家聲今更重千秋大節有慈親隴西訓導李逢年再題以詩云為惜諸孤剩此身常將志節付艱辛織殘午夜霜偏早荻畫中庭月正新渭水風清同浩蕩隴山雪霽共嶙峋而今地下應含笑崛起門楣自有人

童生丁居南妻吳氏會甯人年二十五夫亡家貧撫孤中俊成立

入庠守節四十餘年卒

王執中題以詩云從來發節羨陶姜懷懍冷秋霜勤栽堂桂一枝茂苦植階蘭幾樹香自此名標邑乘裏徽音可共祖流長

### 甘肅新通志

#### 卷七十九

人物志 列女四

三

丁建南妻康氏會甯人年二十一夫亡奉翁撫孤守節五十年卒

吳禹鼎妻梁氏會甯人年十九夫亡撫遺腹子成立守節四十年

卒王執中贈以詩云甘守孤燈四十年冰幃發範永堪傳新繡甫結琴音斷遺姪未綳鴛影單堂上不勤熊荻訓階前那得桂蘭鮮會看紫閣恩綸下香繞祠堂籠篆煙

梁任宏妻李氏會甯人年二十夫亡無子撫夫姪為嗣鄰邑富室欲以百金奪其節氏聞之遂攜嗣子獨居苦節四十年卒

王佐妻武氏會甯人年十八夫亡孝奉翁姑撫孤成立守節四十餘年卒

武體泰妻杜氏會甯人子歸時方十四齡夫貧甚或採薪拾茶氏必隨之不少離夫死氏視含殮畢撫棺而哭閉戶自經死

楊充量妻吳氏會甯人年二十七夫亡遺孤珣甫四月姑年七十餘多病食苦不能咽氏分一乳乳之家貧鍼帶度日後子成立入



庠食餼家計稍裕氏常捐貲以贖黨里期功近親夫姪琳少失恃

氏恩養之比長分以田產守節終身乾隆十三年 旌表 德原贈以詩云

良玉試猛火蒼松傲積雪枝陽楊節母巾幗樹圭臬精誠貫金石  
飴蜜視茶葉事姑娛心志教子勵風節仁恩被姻姪惻惻婆心切  
天心信可倚食報曷有竭康強享大年蘭玉綿瓜瓞 聖朝治化  
洽閨壺亦英傑已荷 聖書旌行看人瑞列我頃莅茲土激揚慕  
前哲公餘輯邑乘未就愧中輟寄語文章伯作傳續貞烈黃顯祖  
再題共道男兒志氣強誰知巾幗振綱常行年八十貞心在不剪  
度金骨自香青鸞孤掩素帷寒井水為心鐵作肝 聖代於今崇  
節義烏頭綽楔聳雲端作字西陲到此鄉公餘接見士人行翩翩  
獨詫超儕輩問訊方知母教良捐軀慷慨豈誠難為撫  
孤雛不自殘玉樹臨風俱秀發泥封 紫誥答熊丸

栗桐妻潘氏會甯人年二十夫亡撫孤垣成立守節五十餘年卒

生員柳煥文妻何氏會甯人夫病亡氏自縊柩前乾隆十六年 旌表

梁瑤妻李氏會甯人早年夫亡孝奉翁姑撫孤成立年七十以節 終

甘肅新通志

卷七十九

人物志 列女四

三

楊朝翔妻范氏會甯人早年夫亡撫遺腹子成立守節三十餘年 卒

范之元妻李氏會甯人年二十九夫亡孝奉翁姑撫孤成立守節 終身

生員宿奎妻王氏會甯人早年夫亡撫孤成立入庠事翁姑至孝 姑亡哀毀成疾逾年卒

李某妻何氏會甯人年十六夫亡遺孤又殤撫夫姪自秀成立入 庠守節四十四年卒

范又文妻郭氏會甯人早年夫亡無子撫夫姪為嗣入庠食餼年 六十七以節終乾隆十八年 旌表

童生賈振德妻陳氏會甯人年二十二夫亡孝奉翁姑撫孤成立 守節終身乾隆二十年 旌表



童生王玠妻蒲氏會甯人年十九夫亡孝奉翁姑撫孤俊成立守節四十餘年卒

李之椿妻楊氏會甯人年二十七夫亡孝奉衰翁撫孤成立守節三十二年卒

監生郭蘭妻趙氏會甯人年二十六夫亡孝奉孀姑撫孤成立守節三十二年卒

牟友直妻王氏會甯人年十九夫亡孝奉衰翁撫孤成立守節終身乾隆二十九年 旌表

張習古妻王氏會甯人年二十三夫亡孝奉翁姑撫孤成立入庠守節終身乾隆三十一年 旌表

生員徐繡妻李氏會甯人早年夫亡守節三十一年卒乾隆三十一年 旌表

甘肅新通志

卷七十九

人物志 列女四

三

史存祥妻計氏會甯人年二十一夫亡撫孤成立守節終身

童生范澧妻段氏會甯人早年夫亡守節四十年卒乾隆三十九年 旌表

童生和可觀妻吳氏會甯人早年夫亡守節五十一年卒乾隆三十九年 旌表

周全妻沈氏會甯人早年夫亡守節三十五年卒乾隆四十一年 旌表

范成鵬妻張氏會甯人早年夫亡守節三十八年卒乾隆四十一年 旌表

廩生李世彥妻郭氏會甯人早年夫亡守節三十七年卒乾隆四十一年 旌表

李景堂妻何氏會甯人早年夫亡守節三十六年卒乾隆四十四



年 旌表

生員吳山璜妻王氏會甯人早年夫亡守節二十七年卒乾隆四十七年 旌表

董自周妻康氏會甯人早年夫亡守節五十年卒乾隆四十七年 旌表

路生環妻和氏會甯人早年夫亡守節三十九年卒乾隆四十七年 旌表

吳登魁妻和氏會甯人早年夫亡守節四十年卒乾隆五十二年 旌表

生員張世甲妻范氏會甯人夫亡誓以身殉絕粒三日吞苦杏仁嘔血而死乾隆五十五年 旌表越數年夫兄生員世瀾卒其妻

和氏亦吞苦杏仁以殉之時稱張氏雙烈待讀學士翁方綱題雙烈婦詩生年不滿百自

甘肅新通志

卷七十九

人物志 列女四

三

古皆有死嗟嗟二烈婦死得其所矣孤竹弟與兄張氏妯與姪山中  
有薇蕨房中有杏子食之甘如飴烈婦炳彤彤史學政張岳崧題  
雙烈婦詩正氣存巾幗貞名重瑾瑜椎心甘殉死齋志竟捐軀碧  
玉香魂斷青天血淚枯年年紅杏節行路痛雙姝其二忍見卷蔬  
秀愁看杏子黃一門棠棣恨千古蕨薇香 國典  
褒貞烈家聲慶顯揚採風來隴右彤史挹芬芳

楊際春妻李氏會甯人年三十夫亡守節四十九年卒

童生栗翠妻栗氏會甯人翠亡自盡以殉時年十九嘉慶元年 旌表

武生楊殿安妻柳氏會甯人殿安亡自縊以殉時年二十四嘉慶三年 旌表

陶河濱妻張氏會甯人早年夫亡守節三十年卒嘉慶四年 旌表

和彩元妻文氏會甯人早年夫亡守節六十三年卒嘉慶四年 旌表



生員王之溥妻李氏會甯人早年夫亡守節三十四年卒嘉慶四年  
旌表

郭定中妻范氏會甯人早年夫亡守節三十三年卒嘉慶四年  
旌表

廩生張見龍妻范氏會甯人早年夫亡守節四十年卒嘉慶四年  
旌表

監生周承發妻任氏會甯人早年夫亡守節四十七年卒嘉慶十  
一年 旌表

蕭文亨妻王氏會甯人夫亡撫孤成立守節四十八年卒

范成彥妻南氏會甯人早年夫亡守節三十一年卒嘉慶十一年  
旌表

童生楊建元妻柳氏會甯人早年夫亡守節三十一年卒嘉慶十

甘肅新通志

卷七十九

人物志 列女四

三

一年 旌表

監生吳文蔚妻周氏會甯人早年夫亡守節三十六年卒嘉慶十  
一年 旌表

唐殿奎妻張氏會甯人早年夫亡守節三十四年卒嘉慶十一年  
旌表

和銳元妻王氏會甯人早年夫亡守節四十七年卒嘉慶十一年  
旌表

和廷瑄妻范氏會甯人早年夫亡守節四十三年卒嘉慶十一年  
旌表

李希白妻高氏會甯人早年夫亡守節三十三年卒嘉慶十一年  
旌表

溫湧書妻吳氏會甯人湧書亡自縊以殉時年二十二嘉慶十二



年旌表

增生李作霖妻李氏會甯人作霖死自縊以殉時年二十四嘉慶十七年旌表

童生尹三聘妻邢氏會甯人三聘亡服毒自盡時年二十一嘉慶二十二年旌表

吏員馮哲妻邢氏會甯人年二十七夫亡撫孤登霄成立後登霄又早亡媳段氏年二十八奉孀姑撫遺孤姑守節五十年卒媳守節五十餘年卒同蒙旌表

袁某妻白氏會甯人因夫族兄思信造言污讒自刺其心死嘉慶二十三年旌表

生員王純義妻范氏會甯人早年夫亡守節二十四年卒道光元年旌表

甘肅新通志

卷七十九

人物志 列女四

三

童生柳懷祖妻柴氏會甯人早年夫亡守節十八年卒道光元年旌表

生員蕭潤妻王氏會甯人潤亡氏服毒自盡時年二十六道光七年旌表

張重英妻章氏會甯人年二十七夫亡撫遺腹子成立守節三十八年卒道光閒旌表

生員盛教洽妻張氏會甯人土部主事張翰華女年十七子歸甫七月夫亡氏竊啖苦杏子家人見而救之後乘閒投水容死道光八年旌表

生員蕭映芝妻吳氏會甯人早年夫亡守節二十六年卒道光八年旌表

監生柳杰妻和氏會甯人早年夫亡撫孤成立守節三十餘年卒



道光八年 旌表

柳如陌妻吳氏會甯人早年夫亡撫孤成立守節三十餘年卒道光八年 旌表

生員柳繩祖妻郭氏會甯人早年夫亡撫孤成立守節三十餘年卒道光八年 旌表

童生和治昌妻柳氏會甯人早年夫亡撫孤成立守節三十餘年卒道光八年 旌表

監生武鎮妻吳氏會甯人年二十六夫亡守節二十六年卒道光九年 旌表

生員楊承澤妻和氏會甯人年二十一夫亡撫孤著成立入庠食餼守節三十三年卒道光十年 旌表

和瑛妻柳氏會甯人姑患風痺氏奉侍不衰及夫亡撫孤景穆成

甘肅新通志

卷七十九

人物志 列女四

三

立入庠守節三十餘年卒道光十年 旌表

吳宗孟妻趙氏會甯人年二十四夫亡撫孤成立守節五十餘年卒道光十年 旌表

拔貢李可梁妻姜氏會甯人年二十五夫亡無子撫夫姪念德爲嗣守節三十餘年卒道光十年 旌表

范應翼妻楊氏會甯人應翼亡三日不食吞苦杏仁死時道光十年十一月也十二年 旌表

訓導楊承恩繼妻王氏會甯人年二十五夫亡撫孤成立守節終身

監生王聚臣妻胡氏會甯人年二十八夫亡孝奉孀姑撫孤成立守節二十餘年卒道光十二年 旌表

孫兆璽妻王氏會甯人年二十四夫亡撫孤裕庭成立守節二十



餘年卒道光十二年 旌表

范企雍妻王氏會甯人早年夫亡撫孤廷蘭成立後廷蘭又早亡媳任氏年二十六奉孀姑撫遺孤姑守節四十七年卒媳守節五十餘年卒道光十二年同蒙 旌表

生員楊登霄妻余氏會甯人年十九夫亡無子孝奉翁姑撫夫姪為嗣守節三十餘年卒道光十二年 旌表

楊登奎妻盛氏會甯人早年夫亡孝奉衰翁撫孤涵成立守節二十餘年卒道光十二年 旌表

王永福妻和氏會甯人早年夫亡孝奉翁姑撫孤成立守節二十餘年卒道光十二年 旌表

范守清妻康氏會甯人年十九夫亡撫孤霽成立入庠後霽又早亡媳張氏奉孀姑撫孤姑守節四十餘年卒媳守節三十餘年卒

甘肅新通志

卷七十九

人物志 列女四

五

道光十二年同蒙 旌表

楊河妻張氏會甯人河亡氏投水窖死道光十二年四月事十二月 旌表

張宗元妻程氏會甯人早年夫亡孝奉翁姑撫孤成立守節四十餘年卒道光十二年 旌表

廩生馮漢傑妻梁氏會甯人早年夫亡孝奉翁姑撫孤成立守節三十餘年卒道光十三年 旌表

李繼廉妻王氏會甯人年二十二夫亡撫遺腹子成立守節四十餘年卒道光十四年 旌表

張嘉貞妻金氏會甯人年二十二夫亡守節二十四年卒道光十四年 旌表

朱朝鼎妻南氏會甯人年二十五夫亡家貧賣餅度日孝奉孀姑



撫孤成立守節三十餘年卒道光十五年 旌表

馬中矩妻張氏會甯人早年夫亡無子孝奉衰翁撫夫姪紹融為

嗣守節三十餘年卒道光十五年 旌表

張全孝妻章氏會甯人早年夫亡撫孤恆裕成立後子亡又撫遺

孫守節四十餘年卒道光十五年 旌表

廩生稅捷妻王氏會甯人早年夫亡孝奉翁姑撫孤成立守節三

十餘年卒道光十五年 旌表

生員和瑄妻王氏會甯人早年夫亡孝奉翁姑撫孤成立守節二

十餘年卒道光十五年 旌表

監生楊濬妻栗氏會甯人早年夫亡孝奉翁姑撫孤毓玟成立守

節三十餘年卒道光十五年 旌表

蒲源靜妻楊氏會甯人早年夫亡孝奉翁姑撫孤成立守節五十

甘肅新通志

卷七十九

人物志 列女四

三

餘年卒道光十七年 旌表

王新妻田氏會甯人早年夫亡撫孤成立守節三十餘年卒道光

十九年 旌表

楊毓瓚妻張氏會甯人夫亡自縊死時年十九道光十九年 旌

表

蘇盤庫妻楊氏會甯人年二十九夫亡撫孤成立守節五十年卒

道光二十年 旌表

僧生郭存壽妻周氏會甯人年二十五夫亡家貧撫孤成立次子

入庠守節三十七年卒

生員周俊妻李氏會甯人年二十五夫亡守節十一年卒道光二

十五年 旌表

張一鵬妻段氏會甯人一鵬亡氏吞苦杏仁以殉道光二十八年



旌表

候補縣丞周洪範妻楊氏會甯人年二十九夫亡守節十七年卒

道光二十九年 旌表

甯州學正李鍾秀妻王氏會甯人年二十八夫亡守節十一年卒

道光三十年 旌表

王得名妻張氏會甯人年二十八夫亡家貧撫孤成立守節終身

劉大恆妻竇氏會甯人年二十二夫亡孝奉翁姑撫孤發秀成立

守節終身

廩生柴銳妻王氏會甯人銳亡氏自縊以殉時年二十二已蒙

旌表

柳效祖妾羅氏會甯人效祖亡氏服毒以殉咸豐二年 旌表

生員柳守厚妻范氏會甯人守厚亡氏自縊以殉咸豐間 旌表

甘肅新通志

卷七十九

人物志 列女四

三

劉京五子妻趙氏會甯人京五子亡氏不食三日投水死時年二

十一

靳緒曾妻路氏會甯人早年夫亡孝奉翁姑撫孤成立守節終身

童生柳均妻張氏會甯人夫亡氏不食七日而死時年二十四

生員吳桂芬妻孫氏會甯人于歸後孝奉祖姑夫亡祖姑繼歿氏

不食七日而死時年二十八

童生柳清妻王氏會甯人年二十八夫亡孝奉翁姑撫孤成立守

節五十四年卒咸豐四年 旌表

羅連妻楊氏會甯人年二十七夫亡守節五十餘年卒

原任陝西三原訓導楊承恩繼妻王氏會甯人年二十五夫亡前

妻馬氏遺孤河幼喪明氏撫如已出配以侍女張氏河又早亡張

氏殉節氏撫己子海成立守節四十三年卒咸豐八年同蒙 旌



表

胡元珍母王氏年三十夫亡撫子元珍成立娶妻李氏年二十七元珍亡遺孤二之茂之望家甚貧賣酒漿以育之之茂歲及壯亦亡媳張氏二十八撫遺腹子爾斌成立守節二十餘年先卒後王守節五十年卒李守節五十五年卒均會甯人

史况周妻王氏會甯人年二十六夫亡撫孤成立守節六十六年卒

守備焦元奇媳郭氏會甯人母蒙涼州父參將某與元奇友善結為婚姻及子女長成始知其子形骸不具計背婚氏執義不可歸焦後元奇死家中落氏無少怨未幾夫亦死氏年二十九夏藉採樵冬覆犬皮苦節終身

武士德妻邢氏會甯人士德亡氏吞苦杏仁以殉時年二十二

甘肅新通志

卷七十九

人物志 列女四

三

李茂德妻楊氏會甯人年二十五夫亡守節五十二年卒咸豐十一年 旌表

童生王怡妻和氏會甯人年二十一夫亡守節二十餘年卒咸豐間 旌表

童生邢之楨妻范氏會甯人之楨亡三日氏吞杏仁以殉時年二十七已蒙 旌表

王毓秀妻張氏會甯人毓秀亡氏次日吞杏仁以殉時年二十一已蒙 旌表

童生吳涵桂妻李氏會甯人涵桂亡三日氏投水寤死時年二十咸豐間 旌表

陳世泰妻王氏會甯人年二十五夫亡撫孤成立守節四十四年卒



張彥輝妻曹氏會甯人年二十二夫亡撫孤成立守節三十二年卒

李建忠妻王氏會甯人年二十七夫亡守節二十六年卒同治七年旌表

從九康燕功繼妻曲氏會甯人年二十六夫亡守節終身

張一鸞妻王氏會甯人早年夫亡撫孤成立守節二十餘年卒同

治八年旌表

柳仙齡妻張氏會甯人仙齡亡氏自盡以殉時年二十五

陳順順妻吳氏會甯人順順亡氏自縊以殉時年二十餘

劉大猷妻張氏會甯人大猷殉回難氏吞苦杏仁而死

童生柳守信妻和氏會甯人性至孝姑被賊傷氏吞苦杏仁而死

時年十九

### 甘肅新通志

### 卷七十九

人物志 列女四

三

童生李雲錦妻王氏會甯人雲錦亡氏投水寤死時年二十一同

治八年二月事已蒙旌表

張耀曾妻和氏會甯人年二十五夫亡撫孤成立守節五十餘年

卒光緒元年旌表

佾生栗維馨妻何氏會甯人維馨亡氏投水寤死時年十九光緒

二年十一月初八日事旌蒙旌表

何懷珍妻王氏會甯人年二十九夫亡撫孤成立守節三十餘年

卒光緒三年旌表

楊廷榮妻李氏會甯人年二十夫亡撫孤成立守節四十八年卒

光緒六年旌表

楊毓玟妻王氏會甯人年二十五夫亡孝奉孀姑撫孤成立守節

三十六年卒光緒六年旌表



龐仲喜妻王氏會甯人仲喜亡投水窖以殉時年二十七光緒十年四月初一日事已蒙 旌表

栗成基妻王氏會甯人成基殉難氏年二十八孝奉孀姑撫孤成立入庠守節二十四年卒光緒十五年 旌表孫振聲己酉拔貢

蕭承烈妻吳氏會甯人承烈亡氏投水窖以殉時年二十四光緒十六年五月初四日事旋蒙 旌表

童生貝發餘妻張氏會甯人年二十八夫亡孝奉翁姑撫孤成立守節終身光緒十九年 旌表

童生鄒迎諤妻袁氏會甯人年二十二夫亡孝奉翁姑撫孤成立守節三十年卒光緒十九年 旌表

羅尙玉妻王氏會甯人年二十五夫亡撫孤成立守節三十三年卒

甘肅新通志

卷七十九

人物志

列女四

三

史克敬妻李氏會甯人年二十二夫亡撫孤成立苦守三十餘年子又亡氏因不食死

生員吳啟文妻張氏會甯人早年夫亡孝奉翁姑撫孤成立守節終身

王滿祥妻李氏會甯人年二十九夫亡撫孤成立守節三十年卒蒲某妻張氏會甯人殉難事蹟莫攷

增生李作霖妻某氏楊某妻柳氏皆會甯人夫亡自盡

武生和潤妻王氏會甯人年二十九夫亡孝奉翁姑撫孤成立守節二十年卒

孫永昌妻張氏會甯人永昌亡氏服毒自盡時年二十三

萬廷蘭妻宋氏會甯人年二十六夫亡撫孤成立次子文興入武庠守節五十三年卒



康廣成妻李氏會甯人廣成亡氏卽日自縊以殉

增生柳守先妻張氏會甯人年二十八夫亡守節三十一年卒光

緒三十四年 旌表

朱隨妻尹氏會甯人隨亡氏自縊死時年十六

曹福田妻張氏會甯人年二十四夫亡守節三十年卒

趙仲啟妻韓氏會甯人年二十八夫亡撫孤成立守節三十年卒

余耀春妻曹氏孫榮祖妻李氏皆會甯人夫亡守節事蹟莫攷

己酉拔貢栗振聲妻王氏會甯人庠生王銘之女也宣統二年四

月振聲北上中途斃於覆車氏聞耗卽飲藥遇救未死家人嚴防

之至第七日晚家人出戶外焚楮氏潛取剪刀自刺右腹死

孫來有妻王氏會甯人來有殉回難氏年二十六撫孤成立後子

亡又撫遺孫守節四十一年現存

甘肅新通志

卷七十九

人物志 列女四

三

梁相妻陸氏會甯人年二十九夫亡撫孤維乾成立入庠後維乾

亡媳盛氏年二十八奉孀姑撫遺孤姑守節五十四年卒媳守節

現存

邢宗漢繼妻楊氏會甯人年二十四夫亡孝奉翁姑撫孤成立守

節四十一年現存

王憲妻柳氏會甯人年二十八夫亡撫孤成立守節三十九年現

存

張成緒繼妻郭氏會甯人年三十夫亡孝奉翁姑撫前室子成立

守節十四年現存

白蘊珍妻和氏會甯人年二十五夫亡撫孤成立守節二十九年

現存

僧生李文濤妻王氏會甯人年二十八夫亡孝奉翁姑撫孤宗勳



成立入庠守節二十八年現存

馬世有妻党氏會甯人年二十九夫亡撫孤守節現存

監生和治妻劉氏會甯人年二十八夫亡守節四十年現存

孫守恭妻栗氏會甯人年二十六夫亡撫孤成立守節四十六年

現存

蘇生泰妻李氏會甯人于歸後孝奉翁姑現年八十七已蒙 旌

表

附同治間回亂殉難烈女婦表

秦氏 廩生景 豐春妻

右三年十月分

唐氏 張作楫妻及一家十餘口俱殉

右五年二月分

甘肅新通志

卷七十九

人物志 列女四

三

李氏 湖南寶慶府知 府柳邁祖妾

唐氏 羅禮 長媳

右七年五月分

韓氏 從九吳 宗季妻 張女 張偉女同家人 二十餘口俱殉

右七年六月分

王氏 秦維 升妻 栗氏 趙宗 雄妻

吳氏 趙四 月妻

右七年七月分

范氏 貢生曹 浦妻 梁氏 賈喜 妻

王氏 曹滢 妻

康氏 曹通 盛妻

宋氏 附生王 如堯妻 董氏 王如 舜妻

張氏 監生康 宗武妻

張氏 武生和 佐庚妻

王氏 從九梁 材妻 宋氏 軍功吳 廷璋妻

康氏 軍功楊 煒妻

李氏 約正吳 棟妻

楊氏 從九張 企漢妻 余氏 附生邢 執恆妻

張氏 訓導邢 漢湘妻

胡氏 劉居 禮妻

楊氏 王得 文妻 栗氏 李桂 梅妻

李氏 李福 翰妻

杜氏 吳際 隆妻

李氏 南勛 妻 何氏 吳繼 成妻

栗氏 梁映 垣妻

張氏 康 綏 妻



楊氏王成兒妻 殷氏郭守寶妻 李氏從九周妻 趙氏王御坤妻

張氏康貢康妻 張氏康燕福媳 張氏蒲某妻 梁氏李秀沂妻

邢氏范進義妻 節娃軍功宋克儉女 鳳娃監生和宜友女 柳氏周于德妻

和氏六品軍功周克昌妻 李氏周敬海妻 張氏周際昌妻 饌兒從九周從九周

蒲氏張鐵姓妻 柳氏訓導周于度妻 張楊氏訓導邢瀚湘岳母夫名未詳

張昭昭張楊氏女

張氏李玉高妻 王氏馮明妻 陸氏范進元妻 陸氏范成湖妻

荔氏范友蘭妻 邢氏范寶寶妻 曹氏張進才妻

右八年五月分

王德發妻梁氏通渭人年二十餘夫亡撫孤斯立斯行成立乾隆四十八年回變攜次媳魏氏坐於危崖下有潦深丈餘賊至即飛

甘肅新通志 卷七十九 人物志 列女四 三

身齊下死之同蒙 旌表

趙福祿妻粟氏通渭人福祿病革遂絕粒不食及卒慟哭三日隨柩出乘閒投崖死知縣顧某贊曰烈哉粟氏無違夫子碎骨危崖永光青史

張泮池妻楊氏通渭人年二十八夫亡孝奉翁姑撫孤鳳鳴成立中武舉氏施田百畝立社學守節終身嘉慶間 旌表

王琚妻韓氏通渭人早年夫亡撫孤世睦成立守節終身陳繼舜妻汪氏通渭人年二十七夫亡撫孤月德成立入庠守節

終身嘉慶間 旌表

生員王義旦妻邢氏通渭人早年夫亡撫孤禮賢成立後禮賢亦早亡姑媳均守節三十餘年卒

增生王景旦妻張氏通渭人景旦遭地震亡氏年二十撫孤信賢成立後信賢又早亡媳白氏年二十四奉孀姑撫遺孤姑媳均守



節四十餘年卒同蒙 旌表

吳培生妻梁氏通渭人早年夫亡無子撫夫姪為嗣守節終身

楊之舟妻李氏通渭鄉賢李南暉姊也早年夫亡無子撫姪本植

子錦屏為嗣苦節四十年卒

生員白瓚妻王氏通渭人年二十七夫亡撫孤奮雲色皎俱成立

守節五十五年卒

耆民楊運泰祖母黃氏通渭人年十九夫亡撫遺腹子成立守節

六十一年卒

苟世舉妻陳氏通渭人年二十四夫亡撫孤潤成立入庠守節終身

牛元音妻張氏通渭人年二十六夫亡撫孤國琳成立後國琳亡

又撫遺孫克明苦節終身

邑人牛元音妻張氏手書輓聯曰孤苦頻嘗經兩世宗支無恙賴斯人

甘肅新通志

卷七十九

人物志 列女四

三

牛允度妻張氏通渭人年三十夫亡嘉慶辛酉歲大饑自春徂秋

惟以野菜聊生繼姑老且病不能下咽氏為賒買熟食以供既而

負累多賣者不給繼姑奄奄欲絕氏泣慰之曰姑少待媳所為草

笠已成可賣數十錢若獲售猶可供數日需也比及售姑已不起

乃買獻熟食朝夕哭奠獻畢以與夫弟餘瀝不曾沾齒云

陳國華妻李氏通渭人教匪之亂國華以守父柩與其子同遇害

氏自縊以殉媳某氏時歸幸免

童生魏希賢妻尙氏通渭人希賢殉教匪之難氏攜女投崖墜泥

中賊射之不中遂去子來章在外家得免於難氏撫育成立守節

終身道光間 旌表

生員王國凝妻張氏通渭人年二十九夫亡撫孤成立守節五十

六年卒



康封衛妻孫氏通渭人年二十八夫亡撫孤成立守節終身

張三十七妻程氏通渭人年二十五夫亡父母翁姑交奪其志因避居於外後諸子俱歿竟以乞丐卒

牛映奎妻張氏通渭人年二十三夫亡以逼嫁攜孤子避於叔家苦節終身

王某妻李氏通渭人年二十五夫出塞不返撫孤成立守節終身

蘭守川妻楊氏通渭人年二十六夫亡撫孤成立守節終身

牛福元妻楊氏通渭人年十九夫亡撫孤成立守節終身

李毓東妻衡氏通渭人年二十四夫亡撫孤成立守節終身

景克儉妻田氏通渭人年二十三夫亡撫孤成立守節終身

李生春妻王氏通渭人年十九夫亡撫孤成立守節終身

楊同貴妻王氏通渭人年二十三夫亡撫孤成立守節終身

甘肅新通志

卷七十九

人物志 列女四

三

楊射斗妻牛氏通渭人年二十九夫亡撫孤成立守節終身

蘭朱娃妻董氏通渭人年二十三夫亡撫孤成立守節終身

蘭佛保妻楊氏通渭人年二十八夫亡撫孤成立子早亡復與媳

撫遺孫姑媳同守

王九錫妻李氏通渭人年二十六夫亡撫孤成立後子早亡復與

媳撫遺孫姑媳同守

劉旺兒妻張氏通渭人年十五子歸夫死於賊氏撫遺腹子成立

守節終身

南某妻王氏通渭人早年夫亡撫孤成立後子亡又撫遺孫守節

終身

南堪才妻楊氏通渭人堪才因逃荒遠遊不返氏撫夫三姪成立

以繼已嗣並嗣夫兄弟之無子者



高順義妻賈氏通渭人年二十六夫亡孝奉衰姑撫孤成立守節終身

南耀先妻吳氏通渭人年二十六夫亡撫孤成立守節四十三年卒

廩生白梅繼妻吳氏通渭人年二十五夫亡撫孤鳳詔鳳題並前室遺子鳳張均成立後鳳張鳳詔同入庠守節終身

邢福榮妻王氏通渭人年二十八夫亡撫孤維壙成立守節三十六年卒

王某妻李氏通渭人年二十六夫亡撫孤永清成立守節三十六年卒

郭忠奇妻楊氏通渭人年三十夫亡撫孤金湯成立後金湯死於賊氏復撫遺孫守節終身

甘肅新通志

卷七十九

人物志 列女四

罕

武生鞏煥武妻李氏通渭人年二十八夫亡孝奉翁姑撫孤獻珍獻書俱成立守節終身

陳丕烈妻尙氏通渭人年二十五夫亡撫孤效虞成立守節終身生員楊炯繼妻成氏通渭人年二十八夫亡撫孤成立守節終身

魏殿妻劉氏通渭人年二十八夫亡撫孤成立守節終身令黑束妻楊氏通渭人年二十八夫亡撫孤全鳳來鳳成立守節終身

武童楊常典妻李氏通渭人年二十七夫亡撫孤應清玉清煥清俱成立後三子皆早亡復撫孫順意承意繼意皆成人順意又歿

氏與孫媳李氏共撫曾孫守節五十七年卒

席隨玉妻董氏通渭人年二十六夫亡撫孤成立守節終身

蘭某妻牛氏通渭人年十九夫亡無子撫夫姪文元爲嗣守節終



身

馬建五妻王氏通渭人年二十二夫出塞不返孝奉孀姑撫孤成立守節五十八年卒

生員楊毓秀繼妻羊氏通渭人年二十九夫亡撫孤成立守節終身道光十三年 旌表

監生李映桃母張氏通渭人家素裕道光閒歲歉氏每登高望有不舉火者期以粟不責其償鄉人德之

王成妻任氏通渭人成亡氏服毒以殉

李寶藏繼妻任氏通渭人寶藏亡氏服毒以殉已蒙 旌表

王過過妻李氏通渭人年二十六夫亡撫孤成立守節終身

曹英妻王氏通渭人年二十八夫亡撫孤昭成立守節三十七年卒

甘肅新通志

卷七十九

人物志

列女四

聖

薛某妻趙氏通渭人年二十二夫亡撫孤鵬成立入庠食餼守節終身已蒙 旌表

李某妻王氏通渭人夫亡撫孤守節已蒙 旌表

梁某妻王氏通渭人夫亡撫孤守節已蒙 旌表

白雲照妻章氏通渭人年十九夫亡撫遺腹子成立守節六十年卒

王某妻張氏通渭人早年夫亡撫孤天定尋以憂毀卒

布政使理問王秉義妻蘭氏通渭人年二十五夫亡撫孤正域成立入武庠後正域早亡媳裴氏年十八無子自鴆死姪錫桓亦早

亡媳賈氏年二十八無子撫夫姪欽爲嗣欽歿復與欽媳李氏共

撫遺孤

生員李則光妻金氏通渭人年二十六夫亡撫孤養年延年壽年



俱成立守節二十餘年卒

副貢馬祺妻白氏通渭人年二十八夫亡撫孤彥彪成立入庠守節三十餘年卒

王步雲祖母喬氏母李氏通渭人皆早年夫亡撫孤守節終身

王某妻喬氏通渭人早年夫亡撫孤成立守節終身

楊烈妻李氏通渭人年二十八夫亡撫孤成立守節三十六年卒

胡明娃妻景氏通渭人年二十二夫亡孝奉衰翁撫孤成立後子亡又撫孫苦節終身

趙羅璧妻張氏通渭人年二十一夫亡撫孤成立守節五十餘年卒

白聯鳳妻張氏通渭人年十九夫亡撫遺腹子成立守節七十一年卒

甘肅新通志

卷七十九

人物志 列女四

三

韓效蘇妻李氏通渭人年二十四夫亡無子撫夫姪九彩爲嗣成立入武庠守節四十二年卒

童生胡桂妻陳氏通渭人年十八夫亡撫遺腹子貽謀成立守節終身

章克友妻張氏通渭人年二十四夫亡撫孤效軒成立守節五十年卒

盧某妻周氏通渭人早年夫亡家貧數日不舉火乞貸鄰粟以奉姑日採野蔬啖諸孤誓死不移年八十以節終

魏納娃妻王氏通渭人年十九夫亡無子撫夫姪爲嗣同族朝林妻党氏年二十餘夫亡無子撫夫姪爲嗣後兩嗣子皆殉回難媳

郭氏常氏奉孀姑撫遺孤守節終身

許義妻姚氏通渭人夫病侍湯藥不懈及亡服毒自盡



姚月有妻鄭氏通渭人年二十二夫亡撫孤義甫成立守節終身  
龐成成妻陳氏通渭人成成歿氏自縊以殉

郭鳳翔妻盧氏通渭人年二十八夫亡撫孤成立守節終身

生員李葆璋妻毛氏通渭人年二十八夫亡撫孤成立守節終身  
生員白金照妻何氏通渭人夫亡自鴆屍側

程銀海妻魏氏通渭人夫亡閱百日家中有竊議再醮者氏聞之  
服毒自盡時年二十九

魏壹妻張氏通渭人年二十五夫亡撫孤報德報恩俱成立守節  
終身其族姪報功妻李氏年十九夫亡父母欲奪其志遂飲藥死

咸豐間同蒙 旌表

楊汝元妻權氏通渭人夫死於賊殮畢即自鴆

賈鏡妻趙氏通渭人夫亡自盡於柩側咸豐十年六月事

甘肅新通志

卷七十九

人物志 列女四

三

張鳳來妻章氏通渭人年二十七夫亡家貧撫孤炳娃日販鐸饌  
以奉翁姑守節終身

張臨泮妻魏氏通渭人年二十九夫亡無子撫夫姪足娃為嗣守  
節終身

張克榮妻趙氏通渭人夫殉髮逆之難撫孤淑成立守節終身

呂居廉妻陳氏通渭人夫亡畢飲藥以殉時年二十五已蒙 旌  
表

許仁妻姚氏通渭人年十九夫亡撫孤崇德成立後死回難氏守  
節四十二年卒

生員劉文暉妻周氏通渭人年二十六夫亡無子竊吞毒藥家人  
救之得不死撫夫姪為嗣未幾嗣子殤氏哭奠於夫墓投縵以殉  
孫耀江妻李氏通渭人耀江死回難氏年二十五撫孤德鴻成立



後德鴻早亡又撫遺孫守節終身

董月桂妻某氏通渭人月桂死於賊視殮畢自鴆死

李具連妻徐氏通渭人同治五年四月歸甯賊猝至脅污不從拷掠備至罵不絕口賊怒支解之

崔明德妻管氏通渭人同治八年堡破被擄不肯受污罵賊遇害歲貢姚殿魁妻馬氏通渭人堡陷賊執殿魁索銀不得與其母萬氏皆被殺賊豔氏色欲掠去氏大罵賊佯爲弗聞強扶之馬上氏堅不從數墜馬下賊乃殺之

武生田輔邦妻焦氏通渭人堡陷賊擄之馬上氏百端詬罵數墜馬下賊怒殺之

王增妻白氏通渭人夫亡子幼守節多年堡陷被執賊掖之馬上及中途乘閒投崖死

甘肅新通志

卷七十九

人物志 列女四

四

牛某妻郭氏通渭人突聞賊來合莊皆逃氏以叔姑新產伴之弗忍去俄賊至置產母不顧欲脅氏去氏大罵賊強扶之馬上滾鞍墮地如是者三賊乃殺之

李福旺妻簡氏通渭人賊猝至福旺被執氏哀請放還不許遂痛罵賊賊怒殺之而釋其夫

監生張貞觀妻苟氏通渭人年二十夫亡孝奉繼姑撫孤清泰成立夫弟某亦早亡妻白氏殉焉後回陷堡城繼姑邵氏赴火死清泰冒白刃出時苟氏歸甯於鐵櫃堡聞之徹夜立雪數日清泰至爲母子完聚苦節終身同蒙 旌表

貢生白聖典妻李氏通渭人賊猝至聖典方卧病氏侍側不忍逃賊入劫其衣衾聖典怒罵賊加刃氏以身護夫賊將殺之其首曰義婦也釋之夫婦皆免



孫承烈妻何氏通渭人賊陷堡欲脅去氏侍姑側不從賊強之氏毒罵賊殺之時年十七歲後承烈繼娶馬氏年二十二承烈亡撫孤瑞麟成立守節終身

王汝封妻石氏通渭人堡陷恐賊污預吞杏仁死

生員王延年妻石氏通渭人被賊執掖之馬上哭泣罵詈乘閒赴崖死時年二十四

劉炳妻胡氏通渭人賊陷堡投崖死

張尙妻鞏氏通渭人賊陷堡欲擄去罵不絕口賊殺之

王金益妻董氏通渭人賊陷堡氏方娠賊挾於馬上墜者三賊怒破腹取胎死

盧如蒲妻魏氏通渭人避賊山谷中賊搜而擄之不從脅以刃氏即投崖死

甘肅新通志

卷七十九

人物志 列女四

聖

楊元壽妻王氏通渭人遇賊詈罵賊以戈貫胸死

孔堪義妻某氏通渭人賊掠其子氏奪之賊不與氏大罵被斃其口至耳數日乃死

牛樹模妻尤氏通渭人年十八夫亡平居不輕出戶治家有法撫姪女如己出同治七年大饑出粟賑濟活者甚衆守節終身已蒙旌表

田興邦妻馬氏通渭人興邦殉難氏服毒自盡

生員吳瑤妻南氏通渭人年二十四夫亡撫孤遵周守節二十餘年遇回亂投崖死

李荷妻趙氏通渭人年二十六被回賊擄去行至金牛灣即投崖死

張炳妻鮮氏通渭人痛夫死賊手誓不獨生及堡陷以火藥自焚



死

監生冉應麟妻李氏通渭進士李蓉鏡之妹早年夫亡奉姑撫孤越數年以憂毀卒

馬生重妻張氏通渭人年三十夫亡撫孤成立守節三十餘年卒同治間旌表

牛永林妻何氏通渭人夫亡子幼家貧負子乞食守節終身

張登泮妻包氏通渭人夫亡家貧長子文來方五歲次子在襁褓捉攜抱負餬口四方轉於溝壑移時而蘇苦節終身

張緒武妻章氏通渭人早年夫亡無子孝奉翁姑撫夫姪為嗣守節終身

李成銀妻張氏通渭人早年夫亡家貧藉鍼黹撫孤成立守節終身

甘肅新通志

卷七十九

人物志 列女四

吳

馬鼎甲妻張氏通渭人年二十五夫亡撫孤宗美成立守節四十七年卒

郭臨華妻景氏通渭人臨華亡氏視含殮畢遂飲鴆死之光緒六年事

童生牛琦妻劉氏通渭人鄉賢樹梅長媳也于歸三四年房闈牀第聞不聞嬉笑聲夫病氏供湯藥心力俱瘁琦歿之前日子舍忽聞氣喘聲奔視之見琦向窗卧氏在後仰卧以帶繫頸手持兩端自縊急解之氏搥胸大怒怨其救已須臾吐出預服毒水數升繼以血未幾卒光緒間旌表

得雙雙到九泉

欲延夫嗣計難成守志無從效女貞自算早應

知婿病早纏綿忘餐廢寢終何濟贏

腸寸斷非關服瀉始戕生豈是冰霜結兩魂偏教節義著吾門

歸來不忍看春草縷縷碧煙盡血痕小柏森森繞墓前

童生魏芝林妻曹氏通渭人年二十七夫亡撫遺孤後子亡又撫



夫姪琮爲嗣守節三十六年卒

童生魏敬舒妻秦氏通渭人年三十夫亡撫孤炳麟夢麟成立後夢麟入庠守節終身

王棣妻楊氏通渭人棣因父疾取井蛙繩絕而溺氏枕屍痛哭遂自鴆時年十九已蒙旌表

生員王瑞麟妻李氏通渭人夫亡飲藥以殉時年二十五已蒙旌表

郭固妻權氏通渭人年二十五夫亡孝奉孀姑撫孤成立守節終身已蒙旌表

王某妻喬氏 王某妻李氏俱通渭人事蹟莫攷俱蒙旌表

韓銘妻柴氏通渭人年二十七夫亡孝奉孀姑撫孤靜山成立入庠守節終身已蒙旌表

甘肅新通志

卷七十九

人物志 列女四

七

郭會極妻施氏通渭人年二十七夫亡孝奉翁姑撫孤士俊成立入庠守節終身光緒閒旌表

生員魏亮采繼妻陳氏通渭人年二十三夫亡孝奉翁姑撫前室遺孤振宗振德俱成立後先登選拔守節終身光緒閒旌表

增生景煜妻王氏通渭人年二十夫亡無子撫夫姪鴻模成立入庠守節終身光緒閒旌表

楊朝棟妻常氏通渭人年二十夫亡撫孤成立守節終身已蒙旌表

武童孔攀麟妻李氏通渭人年二十二夫亡撫遺腹子德元成立守節終身

盧開泰妻王氏通渭人年二十八夫亡無子撫夫姪建綱成立入庠貢成均守節終身



董采榮妻田氏通渭人年二十七夫亡撫孤成立守節四十餘年卒

李進才妻杜氏通渭人年二十九夫亡無子撫夫姪鎮嶽成立入庠食餼守節終身

生員李錦榮妻栗氏通渭人夫疾侍湯藥衣不解帶五越月及卒竊吞毒藥哭於夫墓歸而卒

王國璧妻卜氏通渭人年二十五夫亡撫孤天錫成立入庠守節終身

李春生妻王氏通渭人年十九夫亡撫遺腹子成立守節終身

楊生貴妻李氏通渭人年二十三夫亡撫孤成立守節終身

張文旺妻王氏通渭人年二十二夫亡撫孤俊傑成立守節終身

薛林繼妻李氏通渭人年二十三夫亡撫孤成立守節三十餘年

甘肅新通志

卷七十九

人物志 列女四

哭

卒

劉錫泰妻張氏通渭人錫泰亡氏不納勺飲越三日吞藥死

潘鑑妻魏氏通渭人年二十七夫亡孝奉孀姑撫孤成立守節終身

胡遠明妻薛氏通渭人年十九夫亡孝奉翁姑撫孤成立守節終身

魏克儉妻何氏通渭人年二十二夫亡孝奉翁姑撫孤成立守節三十餘年卒

王信妻余氏通渭人年二十三夫亡孝奉翁姑撫孤成立守節三十年卒

王炳南妻汪氏通渭人年二十三夫亡撫孤成立守節終身

楊錢來妻羊氏通渭人年二十五夫亡撫孤成立守節終身



伯生牛協元妻衡氏通渭人協元以股疾亡氏飲鴆以殉

金呱喘妻馮氏通渭人年二十三夫亡翁迫令改嫁氏矢志撫孤  
日夜泣涕至於失明苦節終身

王純德妻張氏通渭人年十八夫亡撫孤成立守節終身已蒙  
旌表

王宅南妻楊氏通渭人年二十四夫亡撫孤成立守節終身已蒙  
旌表

蘭象妻馬氏通渭人象病亡氏飲毒以殉時年二十

監生鞏國柱妻彭氏通渭人國柱病亡氏服毒以殉時年二十二  
馬登霄妻陳氏通渭人年二十七夫亡撫孤守邦成立守節五十  
九年卒

蘭文和妻席氏通渭人年二十三夫亡撫孤芝秀成立入庠守節

甘肅新通志

卷七十九

人物志 列女四

吳

六十年卒

南喜喜妻李氏通渭人年二十七夫亡撫孤成立後子媳均早亡  
復撫遺孫守節五十五年卒

馬生重妻張氏通渭人年二十一夫亡撫孤成立守節三十餘年  
卒

張守疆妻柴氏通渭人年二十七夫亡撫孤成立守節終身

拔貢令敷南繼妻王氏通渭人年二十九夫亡姑因慟子失明氏  
孝養無缺撫前室遺子文尹成立入武庠守節終身

趙具成繼妻劉氏通渭人年二十八夫亡遺孤江幼撫至成童被  
河賊掠去閱五年姪逼再醮氏輒慟哭同治十三年江自賊營逃  
至隴西又被兵擄去氏聞之野處露宿親往尋覓一日乞食遇營  
門外相見失聲遂挾以歸里人稱女中丈夫



賈榮桂妻祁氏通渭人年二十八夫貿易歿於外氏涕泣不食半月而卒

魏振業妻張氏通渭人年二十七夫亡撫孤成立守節終身

趙登高妻牛氏通渭人年二十九夫亡撫孤成立守節終身

監生董春魁繼妻崔氏世魁繼妻安氏通渭人崔年二十八夫亡

無子撫夫姪德行爲嗣安年二十五夫亡無出撫前室遺子德明

成立均守節終身

魏三姓保妻李氏通渭人早年夫亡孝奉翁姑撫孤成立守節終

身

郭敬天妻陳氏通渭人年二十五夫亡撫孤成立家漸豐裕遭歲

歉出粟濟困鄉人皆賢之守節三十六年卒

董烈女通渭董文甫妹也許字王姓光緒壬辰秋年及笄納吉有

甘肅新通志

卷七十九

人物志 列女四

三

日家人俱適野女獨居炊爨同族董炭兒乘閒謀強污至裂衣毀面爭持者久之鄰媪聞聲趨至喝散女忿激吞毒自整衣履洗面傷痕俟母歸痛述顛末而死事聞 旌表入祠炭兒伏罪

溫居正妻牛氏通渭人年二十七夫亡撫孤玉成成立守節終身

馬炳元妻陳氏通渭人早年夫亡撫孤凌漢成立守節二十六年

卒光緒二十一年 旌表

童生牛錫光妻丁氏通渭人秦安進士丁錫奎之女錫光病亡氏

夜半仰藥死光緒二十三年 旌表

通渭文童姚銀柱妻丁氏係前任靖邊縣知縣秦安丁錫奎之姪

女恪守婦道後夫歿卽服毒以殉時年二十四已蒙 旌表

監生張紹武妻章氏通渭人年十八夫亡無子孝奉孀姑撫夫姪

傑爲嗣守節三十八年卒光緒二十四年 旌表



牛燈如妻劉氏通渭人早年夫亡孝奉翁姑撫孤成立守節六十年卒光緒三十年 旌表

童生魏銘妻高氏通渭人銘患病氏扶持調護忘寢食者百九十日及亡氏飲藥自盡已蒙 旌表

童生張思勉妻魏氏通渭拔貢魏煜章之女思勉病亡氏視殮畢翼日仰藥死光緒三十一年 旌表

從九康廣成妻李氏通渭人廣成病亡氏即仰藥以殉時年二十一已蒙 旌表

王德廣妻汪氏通渭人年二十七夫亡撫孤傑成立守節二十六年現存

附同治間回亂殉難烈婦表

馬氏 王統業妻

甘肅新通志

卷七十九

人物志 列女四

五

右四年五月分

賈氏 附生趙昇魁妻 某氏 田貞邦妻

右四年九月分

魏氏 張謙妻 羅氏 張尊五妻

萬氏

白氏 並張謙媳 閻家俱殉

右六年四月分

權氏 楊汝元妻 何金鵝 秦安縣何偉女字 甘上里孫承烈

右八年四月分

牛孫氏 劉張氏 邵王氏 邵李氏

邵楊氏 邵王氏 薛余氏 薛白氏

邵王氏 王賈氏 牛陳氏 劉張氏

魏梁氏 吳賈氏 蘇王氏 張何氏



楊張氏

康賈氏

邵景氏

魏張氏

薛傅氏

薛張氏

孫雲南

邵烈梅

孫烈花

孫烈翠

邵二對

邵君香

薛隨兒

邵隨香

賈定女

以上夫名父  
各均失考

右八年五月分

明拔貢溫元春妻張氏甯遠人崇禎末元春倡義死事氏年在少艾苦節終身

童生王憲妻侯氏甯遠人年二十二夫亡家貧拮据奉翁撫孤成立守節終身

郭材妻王氏甯遠人年二十餘夫亡撫孤成立守節六十餘年卒  
張熙妻李氏甯遠人年二十一夫亡撫孤燦斗成立守節五十餘年卒

甘肅新通志

卷七十九

人物志

列女四

三

生員孔嗣昌妻董氏甯遠人早年夫亡撫孤成立守節終身

魏烈女甯遠魏有祿女生長田間年十七有姿色父早亡獨母相伴家貧康熙三十四年七月閒同里奸民窺其母他往直入室逼

之女怒罵不從鄰里聞女喧呼聲往瞰其人倉皇逸去女已自刎

於室

慈谿馮同憲論曰予輯甯遠縣志至魏女自刎事未嘗不為之流涕也往遊武林至明聖湖見

寡母同居者為兵子所逼既免怒罵不食兵子託鄰姬請罪其母母百方解慰不從卒服鹽鹵而死兵子復奉金於母罷不鳴官時方盛夏芳香四達遠近聞然人士好義者合詞公請當事以兵子抵死

上聞旌其門哀輓之章流布簡牘魏女之自裁何遜於此而所處窮僻邑人士無有能為發憤者以致罪人不得而烏頭雙關之製遂無聞焉其不幸為更甚矣亦時與地使然也悲夫

王麻狗妻呂氏甯遠人年及笄歸麻狗生一女甫數日麻狗病亡

痛哭自投於地值家人皆往送葬氏以新產獨留遂縊於室時年

十九事在康熙四十八年七月閒

慈谿馮同憲論曰以予所見呂氏其夫及母家皆可謂至微極

陋無與比數者也此豈有傅姆之教詩書之訓動其見聞而至情所激甘死如飴投機之會義無旋踵亦何烈也昔李唐公主之嫁



多奪彼予此甚則奪予回鶻既歸而復命改適帝女王姬唐棣華  
禮翟車屢駕恬不為怪由斯人觀之皆狗彘不食其餘者矣然則  
貴賤之際曾何足置論而世人顧或門第自雄蔑視  
茅茨寥濶之士此與古人所稱枯骨桃梗何以異哉

李天植妻党氏甯遠人青年夫亡撫孤成立守節四十餘年卒

陳夏妻王氏甯遠人年二十一夫亡撫孤萬良成立守節五十七

年卒子孫七八代簪纓不絕男婦至二百餘口人以爲節孝之報

云

黃琮妻簡氏甯遠人早年夫亡撫孤成立守節終身

王有山妻張氏甯遠人早年夫亡撫孤成立守節終身嘉慶十七

年 旌表

車維基妻漆氏甯遠人年二十夫亡撫孤任甲成立入庠食餼後

任甲亦早亡媳周氏亦青年奉孀姑撫遺孤振寅振元俱成立振

寅入庠食餼振元入庠姑媳各守節數十年卒

甘肅新通志

卷七十九

人物志 列女四

三

監生關翰妻紀氏甯遠人年三十夫亡撫孤炳蔚成立守節三十

餘年卒

廩生康受陶妻李氏甯遠人夫與子俱殉回難氏苦節終身

山西廩生謝國光妻氏甯遠白馬峪氏姓女國光教讀灘歌川

病亡氏年二十一無子父母合改適氏仰藥死

生員張執信繼妻劉氏甯遠人執信病亡氏仰藥以殉時年十八

翰林院孔目楊鑑涵繼妻頡氏甯遠人鑑涵病大漸氏先仰藥死

後旬日夫乃亡

王樊妻陳氏甯遠人樊病亡氏不食閱四日死時年二十二

附同治間回亂殉難烈婦表

黃氏

盧二娃之妻  
抱幼子殉

戴氏

王彰之妻  
同二子殉

劉氏

關秀之妻

三氏

關秀之子  
關莫東妻

關氏

陳興韶  
妻守節

賈氏

孔銘  
妻

魏氏

張連  
保妻



菊蓮 父姓名未詳

右八人年月未詳

生員王綸妻張氏伏羌人順治三年叛賊掠境氏被獲給賊自墜崖下賊猶欲逼擄罵不絕口賊怒殺之

陳心俊妻馬氏伏羌人年十九夫亡撫遺腹子玉書流寇趙榮貴陷城刑殺自恣聞氏有絕色遣人強致之時氏居樓上親嫗畏威來勸氏揮器物擲樓下厲聲叱使者曰白爾主若欲強污我惟有頭可斷耳賊聞之亦愕然曰烈婦烈婦云年七十以節終

任濟民妻郭氏伏羌人濟民病亡氏抱屍號慟遂自縊死時年十八

李書秀妻李氏伏羌人年十九夫亡守節三十餘年康熙戊戌地震壓斃

### 甘肅新通志

### 卷七十九

人物志 列女四

番

程哲妻苟氏伏羌人年二十二夫亡孝奉翁姑撫遺孤戊戌地震家人悉被壓斃氏以歸寧故免聞變痛哭淚盡繼之以血掘土數仞得翁姑骸骨安葬撫孤成立守節終身

伏羌舉人鞏敬緝妻蒲氏秦州人翰林院侍講建豐之長媳雍正四年冬建豐督學滇南敬緝隨之任道卒訃至氏一慟幾絕妯娌撫慰誓不獨生乃奮身墜樓不死手足俱折家人防守甚嚴乘閒

投縊自盡

天興黃元鐸用以詩云取義堅一志舍生歷九死大節著綱常巾幗猶能爾賢哉鞏烈婦行其心所是以身事

君子分宜命與委穀則及偕老變亦無相詭結縉方數年合璧稱雙美一朝喪所天誓死無復擬投縊與墜樓烈性自甘此屢絕而復蘇悲風為四起宛轉向姑嫜含淚供修瀆望且歸寧括髮麻纒纒况乃旅櫬遙路隔幾千里忍痛少須臾晨暮從容俟冰以冷益堅鐵豈磨能靡樞歸撞頭破默矢以代誅三尺梁鴻墳馬鬣同封壘短施傍妝臺畢命長已矣吁嗟鞏烈婦託身在錦綺錦綺何足戀結念篤倫理捐軀等鴻毛潔清照渭水人生貴自立紅顏光青史滇南劉慥為烈婦作白燕謠白燕白燕何處來雌雄飛鳴繞庭樹高樓發婦麻如雪慘淡容顏淚雙注遠憶秦州望白雲近瞻白髮姑年暮耶騎白馬出門去心急趨庭切孺慕夢中滇海白茫



茫天上玉樓催作賦相期白首百年歡何當一旦溘朝露無復悲  
吟寡鵠章但思死殉梁鴻墓捐生屢次防守嚴白日堂堂歷寒燠  
從容盡謂意可回豈料真心鋼鐵鑄白旄遠歸迎之哭頭觸血染  
靈車素經營卜築白楊阡一雙白壁矢同鋼白燕吉乙當樓語樓  
中之人悲相顧白燕頤頤成對舞樓中之人  
早化羽楔柱千年留雙表白燕歸來尙能詠

安同三妻孫氏妾李氏伏羌人同三病亡妻年二十五妾亦青年  
同孝奉翁姑撫孤順天順理俱成立順天入庠順理登雍正丙午  
副榜官河南桐柏縣知縣均守節終身乾隆間 旌表

安順理繼妻王氏年十九于歸甫七月夫亡孝奉兩姑撫遺腹子  
兩姑以天年終家貧停柩及子成立入庠始鬻園營葬兩姑如禮

苦節終身乾隆二十八年 旌表  
知縣范安仁苦節吟夏長苦炎  
蒸兀坐對北牖客來語世事今

古快談數忽憶柏舟人咨嗟不絕口歷境殊多艱德正應弗朽伊  
昔結縵時盈盈年十九菱蕤連理枝調諧琴瑟偶夜半來蕭颯西  
風一何陡遂令雙鳳樓翻為寡鵠守苗蘭信有徵明珠授在手願  
欲從地下其如達人後旅纒千里還佳城土躬負愁雲黯白日墓  
門空哀柳雙老北堂姑三月河陽婦入門薦棗栗龍鍾波娑首絲  
衣誰為舞腸斷侍左右擔石本無儲仰屋嗟中醫猶有嫁時衣易

甘肅新通志

卷七十九

人物志 列女四

五

得米與糗精鑿上承歡秕糠乃自有秕糠甘如節辛勤職井日丸  
熊資攻苦焱冠列薪樵鬻產殯二姑鬱鬱起培塿垂白如一日此  
誼君知否我聞重歎息斯意良云厚坤維有正氣江湖日奔走誰  
作龍門柱中流管樞紐嗟哉綺羅人偏羅百憂谷澗底松千尺山  
頭槩滿缶冤海難為田枯澤詎成阜天鑿不磨心一綫延  
長久終當酬厥志昌熾而黃耆芳徽留彤管千載成大壽

李清瑛妻蒲氏伏羌人年二十夫亡家貧孝奉孀姑撫孤成立守

節終身乾隆二十八年 旌表

楊對廷妻安氏伏羌人年十九夫亡孝奉翁姑撫孤成立入庠守

節終身乾隆二十八年 旌表

魏有容繼妻安氏伏羌人年二十夫亡撫孤超選成立入庠守節

終身乾隆二十八年 旌表

生員何雲衢妻李氏伏羌人早年夫亡無子守節五十餘年卒

賈奎璧妻康氏伏羌人早年夫亡無子守節數十年卒

李禹門妻李氏伏羌人幼字禹門禹門隨父從儉抵江南臨淮教



諭任數載未歸氏年逾笄其父改字人聘已臨門氏始知堅拒之  
遲二載夫還遂于歸生二子後夫亡家貧藉鍼黹撫孤苦節終身  
劉昌祚妻李氏伏羌人年十八夫亡撫孤成立守節終身  
李翹妻馬氏伏羌人年二十九夫亡撫孤成立守節終身  
黃良臣妻李氏伏羌人年二十八夫亡撫二子成立長子入庠守  
節終身

李溶妻王氏伏羌人早年夫亡孝奉翁姑撫孤成立守節終身  
張名宿繼妻鞏氏伏羌人年二十五夫亡無出撫前室二子成立  
守節終身

增生駱載圖妻孫氏伏羌人年二十四夫亡撫孤三十餘年後子  
被地震壓斃復撫孤孫苦節終身

生員姚勳繼妻鞏氏伏羌人年二十八夫亡無子撫夫姪宗虞爲

甘肅新通志

卷七十九

人物志 列女四

美

嗣守節三十年卒

生員潘履莊妻馬氏履豫妻王氏伏羌人兄弟同考入學馬年二  
十七王年二十六相繼而寡同撫遺孤元珍元英成立皆入庠均  
守節終身

牛斗居妻謝氏伏羌人年二十八夫亡撫孤成立守節終身

張辰宿妻姚氏伏羌人年二十六夫亡撫孤成立守節終身

增生魏章妻趙氏伏羌人年二十九夫亡無子撫夫從姪爲嗣守  
節終身

楊永芳妻羅氏伏羌人早年夫亡撫孤成立後子亡復撫遺孫守  
節終身

李漢文妻王氏伏羌人年十九夫亡孝奉翁姑撫孤成立守節終  
身



鞏永安妻張氏伏羌人早年夫亡撫孤立本成立入庠守節終身  
程大儒妻康氏伏羌人年二十夫亡無子撫夫姪爲嗣守節終身  
魏濬妻王氏伏羌人年二十七夫亡撫孤成立守節終身

李莪秀妻王氏伏羌人莪秀亡氏慟哭絕地觸死柩前同穴以葬  
時年二十七

王翼勃妻馬氏伏羌人夫早亡撫孤子二俊二子俱亡乃自縊死  
楊邦譽妻姚氏伏羌人早年夫亡孝奉翁姑撫孤成立守節終身  
門作聖妻李氏伏羌人早年夫亡孝奉祖姑撫孤成立守節終身  
寇承召妻黃氏伏羌人早年夫亡孝奉孀姑撫孤成立守節終身

乾隆三十九年 旌表

貢生鞏宏久妻李氏伏羌人姑病氏侍左右不少離家人憂怖慮  
不起氏嘗糞驗之後姑漸愈氏以憂勞成疾旋卒時年二十五子

甘肅新通志

卷七十九

人物志 列女四

五

燕翼入庠貢成均

生員謝賜燕妻蔣氏伏羌人夫亡守節乾隆五十三年 旌表

賈寬妻廖氏伏羌人年二十七夫亡家貧藉鍼黹孝奉翁姑撫孤  
成立守節終身乾隆五十三年 旌表

張英華妻牛氏伏羌人早年夫亡撫孤成立年八十三以節終  
監生蔣克仁妻魏氏伏羌人治家有法享年百歲奉 旨旌表賜

額曰貞壽之門

門文焯妻張氏伏羌人早年夫亡撫孤啟元成立後啟元亦早亡  
媳任氏奉孀姑撫遺腹子均守節終身

梁峇妻郭氏伏羌人年二十九夫亡孝奉孀姑撫孤成立守節終  
身

宋搢妻李氏伏羌人年二十五夫亡孝奉翁姑撫孤成立守節五



十年卒

王命官妻楊氏伏羌人早年夫亡撫孤成立守節終身

黃紹光妻李氏伏羌人年二十五夫亡撫孤成立入庠守節終身

潘高妻李氏伏羌人早年夫亡撫孤欽岳成立入庠守節終身

宋文化妻任氏伏羌人早年夫亡撫孤師郊成立守節終身

王明玉妻王氏伏羌人年二十一夫亡撫孤成立守節六十年卒

杜應祥妻王氏伏羌人嘉慶五年川匪竄邑境氏抱子將逃遇賊

以矛刺其子於懷氏以臂衛之傷無完膚母子同遇害

穆漢周祖母嚴氏伏羌人年二十八夫亡守節六十年卒

武舉魏克強妻張氏伏羌人克強征川匪陣亡氏撫孤成立守節

十餘年卒

王重妻黃氏伏羌人夫亡守節嘉慶八年 旌表

甘肅新通志

卷七十九

人物志 列女四

美

魏體智妻王氏伏羌人夫亡守節嘉慶二十年 旌表

王連妻宋氏伏羌人早年夫亡孝奉翁姑撫孤成立守節終身嘉

慶二十五年 旌表

張翔妻牛氏伏羌人年二十八夫亡事親撫孤嘉慶元年流寇侵

境偕子登桂倉皇逃避遇賊氏欲撲河登桂號痛力挽賊亦感泣

而去年六十六以節終

宋修誠妻蒲氏伏羌人年十九夫亡有遺腹子翁謀遣嫁氏聞之

星夜奔母家撫子成立守節五十餘年卒

生員張希賢妻王氏伏羌人年二十九夫亡孝奉翁姑撫孤成立

守節五十三年卒

王一清妻李氏伏羌人年二十六夫亡撫孤成立守節六十二年

卒已蒙 旌表



曹明士妻楊氏弟之璋妻王氏伏羌人楊年二十三夫亡子漢傑幼王年二十九夫亡無出共撫漢傑成立入武庠各守節六十餘年卒

王漢霖妻張氏伏羌人年二十八夫亡撫孤之楨成立貢成均守節五十六年卒

鞏玉標妻苟氏伏羌人夫亡守節已蒙 旌表

張輔魁妻孫氏伏羌人年二十一夫亡家貧賣餅度日撫孤成立守節五十七年卒

張恆清妻姚氏伏羌人年二十三夫亡撫孤成立守節七十餘年卒

張穆如妻馬氏伏羌人年十九夫亡孝奉孀姑撫孤成立守節終身

甘肅新通志

卷七十九

人物志 列女四

堯

蔣必昌妻黃氏伏羌人年二十八夫亡撫孤含青成立守節四十九年卒

郭永錫妻張氏伏羌人年二十七夫亡撫孤成立守節五十四年卒

鞏爾熾妻楊氏伏羌人年二十六夫亡撫癡子成立苦節終身

潘桂枝妻馬氏伏羌人年二十一夫亡撫孤成立守節終身

安其性妻李氏伏羌人年二十八夫貿易歿於塞外無子氏孝奉翁姑撫夫幼弟成立苦節終身

安國正妻姜氏伏羌人年二十四夫貿易卒於外撫孤成立後子又早亡與媳共撫遺孫姑媳均苦節終身

宋應祿妻王氏伏羌人年二十三夫亡孝奉衰翁撫孤成立守節四十八年卒



監生魏合一妻嚴氏伏羌人夫亡守節道光元年 旌表

生員盧翔鳳媳雒氏伏羌人年二十餘夫亡孝奉翁姑撫孤成立守節終身

生員劉溥母魏氏伏羌人年二十三夫亡孝奉翁姑撫孤成立入庠守節終身

陳統榮母常氏伏羌人年二十八夫亡孝奉孀姑撫孤成立守節終身

宋合崇妻崔氏伏羌人年二十四夫亡撫孤成立守節終身

魏膺福妻郭氏伏羌人夫亡守節道光十年 旌表

駱佑繼妻王氏伏羌人年二十四夫亡孝奉翁姑撫孤成立守節終身道光十五年 旌表

生員李映玉妻李氏映梅妻柳氏伏羌人均夫亡守節子秉哲亦

甘肅新通志

卷七十九

人物志 列女四

李

早亡媳盧氏奉孀姑撫遺孤道光十八年 旌表

張東銘祖母毛氏伏羌人夫亡守節道光二十三年 旌表

王時榮妻張氏伏羌人年二十夫亡孝奉翁姑撫孤成立守節四十四年卒已蒙 旌表

黃萼妻蔣氏伏羌人年二十三夫亡孝奉翁姑撫孤成立守節終身

汪汝連母李氏伏羌人年二十六夫亡撫孤成立守節終身

王連重母張氏伏羌人年二十六夫亡孝奉衰翁撫遺腹子成立守節終身

謝剛正媳牛氏伏羌人合巹夕被人調戲自縊死

謝濟川妻楊氏伏羌人濟川溺河死氏痛哭三日投河殉之時年



黃鶴鳴妻宋氏伏羌人鶴鳴亡氏自縊時年三十一道光閒 旌表

李瑞樞繼妻張氏伏羌人夫亡守節咸豐七年 旌表

王維一妻楊氏伏羌人早年夫亡孝奉翁姑撫孤成立守節終身  
咸豐七年 旌表

黃必淮妻蔣氏伏羌人早年夫亡孝奉翁姑撫孤成立守節四十  
餘年卒咸豐七年 旌表

宋發祥母陳氏伏羌人夫西赴流沙萬里外不知所終氏年二十  
八家貧爲人操井日代縫紉每值隆冬十指俱裂卒撫遺腹子成  
立苦節終身

程國琳妻衡氏伏羌人年二十一夫亡孝奉翁姑撫孤成立守節  
終身

甘肅新通志

卷七十九

人物志 列女四

空

李承祖妻謝氏伏羌人年二十九夫亡撫孤成立後子又亡復撫  
夫姪爲嗣守節終身

李馨妻牛氏伏羌人年二十五夫亡撫孤成立守節終身

王有德妻張氏伏羌人年二十九夫亡撫孤成立守節二十四年  
卒

黃必豐妻黃氏伏羌人年二十八夫亡撫孤成立守節終身

門榜兒妻黃氏伏羌人年二十夫亡撫孤成立守節四十年卒

王萬裕妻李氏伏羌人年二十三夫亡撫孤成立進士李曠西重  
其節以其女爲氏媳後子亡遺孫五氏與媳撫育成立均守節終  
身

蔣緒文妻田氏伏羌人年二十三夫亡孝奉翁姑撫遺孤兼撫夫  
姪俱成立苦節三十年卒



田耕禮妻韻氏伏羌人年二十三夫亡孝奉翁姑撫長子入庠遺腹子亦業儒守節終身

廩生王家楨妻蔣氏伏羌人早年夫亡孝奉翁姑撫遺腹子又殤復撫夫族姪爲嗣守節終身

張建元妻閻氏伏羌人年二十七夫亡撫孤成立堂弟鳳舞亦早亡妻蒲氏年二十九無子撫夫姪爲嗣姪緒桂亦早亡媳鮮氏年二十七孝奉翁姑撫孤成立

韻儒林妻王氏伏羌人年三十夫亡孝奉翁姑撫三子成立次子入武庠守節五十二年卒

陳綱妻汪氏伏羌人年十九夫亡撫孤友謝成立守節五十三年卒

楊生輝妻李氏伏羌人年十九夫亡孝奉翁姑撫孤成立守節終

甘肅新通志

卷七十九

人物志 列女四

空

身

魏登雲妻韻氏伏羌人年二十二夫亡孝奉翁姑撫孤成立守節四十三年卒

馬作恆母劉氏伏羌人年二十七夫亡孝奉翁姑撫三子成立守節終身

朱朝璣繼妻李氏伏羌人年十九夫亡無出撫前室遺孤越五年又殤復撫夫姪爲嗣守節終身

宋維新妻馬氏伏羌人維新亡氏飲藥以殉時年十七咸豐時旌表

姚七兒妻王氏伏羌人七兒亡無子氏日夜號泣絕飲食而卒時年十九

張景雲媳汪氏伏羌人夫亡百日氏櫛沐拜柩前自縊死時年十



八

汪汝連孫媳陳氏伏羌人夫亡七日飲藥以殉時年十九

張璠妻蒲氏伏羌人年二十八夫亡撫孤成立後子早亡又撫孫成立入庠守節終身

王化清妻梁氏伏羌人年二十九夫亡撫孤成立守節終身

張宗漢妻楊氏伏羌人年二十七夫亡撫孤成立守節五十四年卒

顏翔桐妻王氏伏羌人年二十六夫亡撫孤成立守節終身

生員梁起鳳妻杜氏伏羌人早年夫亡撫孤成立守節終身

鞏世業妻李氏伏羌人年二十八夫亡撫孤成立守節五十五年卒

移維林妻盧氏伏羌人年二十六夫亡撫二子成立後次子亦早

甘肅新通志

卷七十九

人物志 列女四

三

亡媳宋氏年二十一奉孀姑撫遺孤均守節五十餘年卒

張子英妻趙氏伏羌人年十九夫亡撫二子成立長子入庠守節五十年卒

謝志德妻張氏伏羌人年二十八夫亡無子撫夫姪爲嗣守節三十餘年卒

魏必捷妻李氏伏羌人年二十七夫亡撫孤成立守節終身

王所遵妻李氏伏羌人年二十五夫亡撫二子成立次子安天入庠守節終身

安治元妻黃氏伏羌人年二十七夫亡撫孤成立守節五十一年

卒後長孫自甯亦早亡媳雒氏年二十九撫孤入庠又亡復撫兩孫守節終身

賈明輔妻任氏伏羌人年十九夫亡孝奉孀姑撫孤成立後子亡



復撫遺孫守節終身

王之傑妻王氏伏羌人年二十七夫亡撫孤成立守節五十餘年卒

陳良典妻楊氏伏羌人年二十六夫亡孝事繼姑撫孤成立守節終身

楊兆祥妻楊氏伏羌人年二十夫亡撫孤成立後子又早亡媳李氏年二十奉孀姑撫遺孤均守節數十年卒

李友賢妻黃氏伏羌人年二十四夫亡撫四子成立守節六十年卒

賈曰瑚妻丁氏伏羌人年二十一夫亡撫孤成立守節五十餘年卒

蒲在廷妻李氏伏羌人年二十七夫亡無子撫夫姪爲嗣守節終

甘肅新通志

卷七十九

人物志 列女四

齋

身

王翼汲妻王氏伏羌人年二十六夫亡撫孤成立守節終身

楊誦詩妻蔣氏伏羌人早年夫亡撫孤成立守節終身

劉擢卿妻李氏伏羌人年二十五夫亡撫孤成立守節終身

楊邦譽妻姚氏伏羌人年二十六夫亡孝奉翁姑撫孤成立守節三十餘年卒

楊廷棟妻安氏妾黃氏伏羌人安年近三十未有子勸夫納妾黃氏生一子鎮域未三歲而夫亡兩氏撫孤成立入座各守節數十年卒

汪世祿妻張氏伏羌人年二十四夫亡撫孤成立守節終身

謝寅妻張氏伏羌人年二十五夫亡孝奉孀姑撫孤成立並撫夫

幼姪守節二十餘年卒



監生鞏耀祖妻劉氏伏羌人年二十八夫亡撫三子成立守節終身

李啟唐妻王氏伏羌人年二十三夫亡孝奉翁姑撫孤成立守節四十二年卒

楊光祿繼妻馬氏伏羌人年二十八夫亡撫前室一子並已四子俱成立守節終身

劉佩繼妻康氏伏羌人年二十餘夫亡無子家貧十指度日撫夫

姪為嗣守節四十餘年卒

鄉里題軸贈曰守貞存嗣正青年承雪精神徹底圓半點苦衷愁白日兩行血淚染紅鵲孤燈每件孤兒照隻影常隨隻杼前四十載餘如一日徽音青史古今傳

魏紹先妻姚氏伏羌人年二十七夫亡撫孤成立守節終身

張榮甲母張氏伏羌人年二十夫亡孝奉祖姑並姑守節終身

張兌臣妻謝氏伏羌人年二十夫亡孝奉衰翁撫孤成立守節終

甘肅新通志

卷七十九

人物志 列女四

奎

身

李羸餘妻徐氏伏羌人年二十四夫亡家貧紡績奉翁姑撫孤成立守節五十餘年卒

燕迎來妻何氏伏羌人年二十四夫亡孝奉翁姑撫遺腹子成立守節終身

燕玉來妻何氏伏羌人年二十三夫亡撫孤成立守節終身

王已酉妻田氏伏羌人年二十二夫亡孝奉翁姑撫孤成立後子亡又撫遺孫苦節終身

張禮元妻趙氏伏羌人年二十八夫亡家貧拾薪採蔬撫孤成立守節終身長子順祥事氏以孝聞

李桂合妻張氏伏羌人年二十七夫亡撫遺腹子登羸成立守節三十餘年卒



生員蔣同晉妻張氏伏羌人年二十九夫亡孝奉衰翁撫孤成立守節二十六年卒

王某妻張氏伏羌人年二十夫亡撫孤成立守節三十餘年卒  
生員王席珍妻頡氏伏羌人年二十夫亡撫孤成立守節三十餘年卒

童生甄迎來妻蒲氏伏羌人于歸甫而月偕夫歸寧遇賊夫逸去賊扶氏上馬行弗從賊怒支解死

生員王煇妻李氏伏羌人煇父官狄道學正同治回亂州城陷煇隨父殉難氏年二十五無子撫夫姪爲嗣守節終身

王正邦繼妻李氏伏羌牛蹠鎮人正邦由道光丁酉武進士積功至陝西神木營參將告歸同治二年率鄉團禦賊陣亡時氏年二十九歲遺孤昌基七歲肇基三歲振基甫週歲氏撫養成守節

### 甘肅新通志

#### 卷七十九

人物志 列女四

五

二十六年卒

武生艾林妻羅氏文童艾依林妻安氏伏羌人同治二年回變作舉家避山洞賊偵知之攻洞急二氏懼爲賊污乘夜出洞攜手墜崖死

楊貴陞妻劉氏伏羌人于歸後夜績晝春孝奉翁姑同治二年賊入莊執其姑將施捶楚氏請以身代賊不聽氏乘閒執廚刀殲一賊遂自刎

苟士林媳王氏伏羌人于歸後孝奉翁姑同治四年賊入莊翁被執氏情急以身蔽翁賊執刀砍之氏哀求賊憐其孝遂并釋之

張效義妻王氏伏羌人效義殉回難氏年二十五撫二子後長子又死於狼撫次子成立守節四十年卒

張雋儒妻羅氏伏羌人年十九夫亡撫孤成立後子亡復撫遺孫



守節四十餘年卒

潘成海繼妻汪氏伏羌人年二十五夫亡撫孤成立後子亡復撫遺孫守節終身

魏守仁妻李氏守信妻程氏伏羌人守仁兄弟出塞外不歸兩氏安貧茹苦孝奉孀姑幼弟從塞歸誑言守仁守信卒逼之嫁兩氏持刃相拒同撫守信子成立守仁守信終未歸苦節終身

孫聿敬妻劉氏伏羌人年二十三夫亡孝奉翁姑撫孤成立守節四十七年卒

楊方震妻鞏氏伏羌人年二十二夫亡撫孤成立守節終身

楊拴牢妻蔣氏伏羌人年十九夫亡無子撫夫姪爲嗣守節終身王次引妻李氏伏羌人年二十六夫亡家貧紡績撫孤守節終身頡輔周妻劉氏伏羌人輔周亡無子殯葬後自盡時年三十五

甘肅新通志

卷七十九

人物志 列女四

七

謝重時妻任氏伏羌人重時貿易遠方被土豪誣陷牽連人命案內氏聞耗遂飲藥卒

苟成績妻陳氏伏羌人年二十夫亡無子撫夫姪爲嗣俟服闋祭奠哭訴畢遂服毒死

魏承家妻王氏伏羌人年二十九夫亡孝奉孀姑撫孤國楨成立後子媳相繼亡復撫遺孫扶唐績唐守節四十四年卒

宋永順妻李氏伏羌人年二十四夫亡撫孤全來成立後子亡復撫遺孫震林守節五十四年卒

宋有祿妻牛氏伏羌人年二十七夫亡家貧賣餅度日撫孤成立守節四十年卒

陳正中妻李氏伏羌人年二十六夫亡孝奉翁姑撫孤誥謨俱成立謨入庠守節三十九年卒



黃士甄妻孫氏伏羌人年二十一夫亡撫孤兆崑成立入庠守節  
二十五年卒已蒙 旌表

僧生程泮儒妻李氏伏羌人年十八夫亡撫孤宗洛成立入庠守  
節終身

楊炳妻李氏伏羌人年二十九夫亡孝奉衰翁撫孤成立守節終  
身

武舉成樹德妻馬氏伏羌人夫病篤氏遂服毒先死越三日夫亦  
亡同穴葬焉時年三十

黃國棟妻安氏伏羌人夫亡氏視殮畢自縊死時年二十五

謝維翰妻王氏伏羌人夫亡氏生子甫八日自縊死同穴葬焉時  
年二十一

生員宋躋鼇繼妻王氏伏羌人早年夫亡撫遺腹子越五年子以

甘肅新通志

卷七十九

人物志 列女四

矣

痘殤氏遂服毒死已蒙 旌表

安六十七妻宋氏伏羌人年二十七夫亡家貧賣餅度日撫孤成  
立守節四十年卒

王清彥妻駱氏伏羌人年二十九夫亡孝奉衰翁撫孤成立守節  
三十三年卒

張效祖妻楊氏伏羌人年二十二夫亡撫孤成立後子媳俱亡復  
撫遺孫守節五十年卒

生員李鏡圖妻楊氏伏羌人年二十七夫亡家貧甚拾薪耘田奉  
翁姑撫孤成立守節四十餘年卒

安碎哥妻高氏伏羌人夫亡葬畢服毒死時年二十四

宋廷俊妻安氏伏羌人夫亡氏仰藥以殉時年二十五已蒙 旌  
表



李永楨妻王氏伏羌人年二十六夫亡撫孤丙焱成立入庠守節三十一年卒已蒙旌表

李樹榮妻王氏伏羌人年二十三夫亡撫孤德明成立守節四十年卒

張爾效妻王氏伏羌人年二十六夫亡孝奉翁姑撫孤成立守節四十五年卒

監生張翀妻王氏伏羌人年二十五夫亡撫孤成立後子亡又撫遺孫守節五十七年卒

劉芮妻彭氏伏羌人年二十八夫亡撫孤成立守節終身

劉樹基妻楊氏伏羌人年十九夫亡撫孤成立後子亡復撫遺孫守節四十四年卒

劉養正妻李氏伏羌人年二十五夫亡撫孤成立守節終身

甘肅新通志

卷七十九

人物志 列女四

完

郭映奎妻鮮氏伏羌人年二十六夫亡撫孤成立守節四十六年卒

楊士禎妻梁氏伏羌人年二十八夫亡孝奉翁姑撫遺腹子成立守節終身

郭翰選妻馬氏伏羌人年二十四夫亡孝奉翁姑撫孤成立守節終身

楊仲英妻郭氏伏羌人年二十一夫亡撫遺腹子成立守節終身任育三妻張氏伏羌人年二十八夫亡孝奉孀姑撫孤成立守節

五十八年卒

謝逢春妻駱氏伏羌人年二十四夫亡家貧織紡撫孤鎮疆成立守節五十二年卒

監生王詵妻李氏伏羌進士李士則之女翰林院庶吉士王海涵



之次子媳年十九于歸海涵改官陝西高陵縣知縣誥夫婦隨侍任所氏奉祖姑並翁姑甚得婦道明年誥病侍湯藥不懈者兩閱月誥亡殮畢服毒以殉事 聞

三十年 旌表  
王廷佐妻任氏伏羌人年二十九夫亡撫孤成立守節終身光緒

童生宋集瑞妻馬氏伏羌人夫亡仰藥死時年二十二光緒三十三年 旌表

生員劉煜午妻孫氏伏羌人夫亡仰藥以殉時年二十二廩生蔣含儒妻鞏氏伏羌人夫亡仰藥以殉時年二十六

孫進魁繼妻郭氏伏羌人夫亡仰藥以殉時年二十五生員任焯妻王氏伏羌人夫亡仰藥以殉時年二十八

魏承澤妻李氏伏羌人夫亡仰藥以殉時年二十二

甘肅新通志

卷七十九

人物志 列女四

三

生員邵士廉妻魏氏伏羌人夫肄業蘭山書院病亡氏年十九仰藥以殉後柩回籍家人遂合葬焉已蒙 旌表

生員楊格妻張氏伏羌人年二十六夫亡孝奉衰翁撫孤成立守節終身

附同治間回亂殉難烈女表

李氏 梁雲母

李氏 梁雲嫂

安氏 鞏二騾子妻

李氏 附生梁于湖妻率二孫一

文同死

李氏 梁于湖媳

安氏 趙毓靈媳夫亡守節

右二年四月分

劉氏 楊貴德妻

王氏 姚存仁妻

牛氏 雒牽牛妻

牛氏 雒馬兒子妻抱二子同殉

鞏氏 夫名未詳守節十餘年

安氏 艾秀荃次媳

右二年五月分

趙氏 宋繼個妻

梁氏 李見重妻

姚氏 楊世清妻



右二年七月分

汪氏

曹五十妻

楊氏

舉人陳升俊妻夫亡守節

李氏

李氏

並陳升俊媳

梁女

字李姓未歸父名未詳

右五人月分未詳

李氏

馬氏

並廩生張正銘媳

雒女兒

雒莫疆女

鞏氏

牛莫勳妻

馬氏

牛文林妻

謝氏

王錫瑞妻

岳氏

王錫瑞媳

何氏

王錫瑞媳

李氏

牛從德妻

田氏

王正本妻

李氏

王正本媳

盧氏

駱五相妻與幼子同死

郭氏

武生李作藩妻抱子死

楊氏

牛曾母

李氏

牛曾妻

謝氏

牛喜德母同二子死

右三年十二月分

姜必順女

夫名未詳

右七年月分未詳

甘肅新通志

卷七十九

人物志

列女四

三

蔣烈女

附生蔣同晉女

右八年月分未詳

生員劉大魁妻鄭氏西和人年十九夫亡撫孤鎔成立入庠守節

五十五年卒已蒙 旌表

劉自鳳妻王氏西和人年二十四夫亡撫孤靖疆成立守節四十

餘年卒已蒙 旌表

李殿元妻孟氏西和人年二十六夫亡孝奉翁姑撫孤成立守節

五十年卒已蒙 旌表

生員曹天厚妻張氏西和人年二十二夫亡孝奉翁姑撫孤勳成

立守節終身

任昂飛妻趙氏西和人年二十三夫亡家貧憑鍼術度日奉翁姑

撫孤蕙芳成立入庠食餼守節終身已蒙 旌表



張修士妻石氏西和人年二十二夫亡孝奉翁姑撫孤碩彥邦彥俱入庠守節五十餘年卒乾隆十年 旌表

生員潘永芳妻徐氏西和人年二十二夫亡孝奉孀姑撫孤成立守節五十年卒乾隆二十二年 旌表

監生張晟妻周氏西和人年二十五夫亡撫孤成立守節三十七年卒乾隆三十七年 旌表

蒲璵妻左氏西和人年二十二夫亡撫孤秉秀呈秀俱入庠守節四十年卒乾隆三十七年 旌表

廩生張彩妻楊氏西和人年二十六夫亡撫孤成立守節三十二年卒乾隆三十七年 旌表

王淑廉妻汪氏西和人年二十七夫亡撫孤成立守節四十六年卒乾隆三十七年 旌表

甘肅新通志

卷七十九

人物志 列女四

三

何槐妻陳氏西和人年二十七夫亡撫孤呈玉成立後呈玉早亡媳路氏年二十六奉孀姑撫遺孤姑守節四十七年卒媳守節四十餘年卒

盧可桂妻郝氏西和人年十九夫亡孝奉翁姑撫孤斨成立後子媳俱亡復撫遺孫守節四十四年卒

劉珩裔妻周氏西和人年二十五夫亡撫孤錦成立守節四十八年卒

張應桂妻陳氏西和人年二十六夫亡撫孤成立守節四十六年卒

生員張翅健妻王氏西和人年二十三夫亡撫孤經入庠食餼守節五十年卒

任福有妻王氏西和人年二十七夫亡撫孤成立守節五十五年



卒

增生張萃妻喬氏西和人年二十八夫亡撫孤興貴興崇成立興崇入庠守節四十五年卒

趙特祿妻陳氏西和人年二十五夫亡撫孤熾卿成立守節終身魯興妻強氏西和人年二十四夫亡撫孤成立守節五十年卒

生員劉煜妻謝氏劉熾妻張氏西和人謝年二十四夫亡撫孤學敏學輔成立張年二十夫亡無子以學輔為嗣謝守節四十六年卒張守節四十餘年卒

韓廷璧妻張氏西和人年二十四夫亡撫孤成立守節二十八年卒

周世勳妻劉氏西和人年二十六夫亡撫遺腹子選成立守節終身

甘肅新通志

卷七十九

人物志 列女四

三

劉鏡妻周氏西和人年二十七夫亡撫孤思美成立守節終身

李直妻張氏西和人年二十四夫亡撫孤潤元浩元成立潤元入庠守節三十四年卒

孟授道妻張氏西和人年二十九夫亡撫孤濟世成立守節四十四年卒

何登瀛妻羅氏西和人年二十三夫亡撫孤其寬入庠守節三十六年卒

魏廷佐妻張氏西和人年二十五夫亡撫孤作新作仁俱入庠守節四十二年卒

生員鄭風化妻喬氏西和人年十九夫亡撫孤持簡入庠守節三十餘年卒

姜獻妻馬氏西和人年二十七夫亡撫孤成立守節四十八年卒



廩生劉穎捷妻竇氏西和人年二十五夫亡孝奉翁姑撫孤成立守節三十五年卒光緒十五年 旌表

生員王聲夏妻劉氏西和人年二十八夫亡撫孤之桂入武庠守節三十六年卒光緒二十一年 旌表

王殿邦妻祁氏西和人年二十四夫亡孝奉翁姑撫孤睿入武庠守節終身

廩生周肇端妻何氏西和人早年夫亡撫孤成立守節三十餘年卒

張漢傑妻黃氏西和人夫亡殮畢仰藥以殉

任邦彥妻孫氏西和人早年夫亡撫孤成立守節三十餘年卒

劉恩位妻喬氏西和人年二十四夫亡孝奉孀姑撫孤成立守節五十餘年卒

甘肅新通志

卷七十九

人物志 列女四

七

生員李作棟繼妻盧氏西和人夫亡仰藥以殉時年十七

王和聲妻萬氏西和人年二十二夫亡孝奉孀姑撫孤成立守節三十年卒

童生王作舟妻賀氏西和人年二十四夫亡無子孝奉翁姑撫夫姪寶卿爲嗣入庠守節十餘年卒

童生王作霖妻劉氏西和人年二十一夫亡孝奉孀姑撫孤成立守節終身

王壽泰妻劉氏西和人夫亡仰藥以殉時年二十七

劉篤勤妻王氏西和人夫亡葶月自盡時年十九

劉奮榮妻胡氏西和人年二十三夫亡孝奉翁姑撫孤成立守節四十餘年現存已蒙 旌表

童生趙克勤妻張氏西和人年二十三夫亡無子孝奉翁姑撫夫



姪爲嗣守節三十六年現存

童生劉銍妻閻氏西和人年二十一夫亡孝奉翁姑撫孤成立守節三十年現存

萬永春妻劉氏西和人年二十夫亡無子孝奉翁姑撫夫姪爲嗣後嗣子亡又撫遺孫守節三十三年現存

附同治閒回亂殉難烈女表

惹惹子 王考 試女

右二年五月分

凍兒 劉萬 良女

右七年五月分

呂元聲妻王氏岷州人年二十七夫亡孝奉翁姑撫孤成立守節四十五年卒雍正十年 旌表

甘肅新通志

卷七十九

人物志 列女四

妻

楊桂齡妻閔氏岷州人年二十四夫亡無子止一女撫育成人守節五十八年卒雍正十年 旌表

守備楊承綬妻司氏四川潼川人承綬休致回岷州病亡氏年二十一撫孤成立守節四十三年卒雍正十年 旌表

生員徐永清妻虎氏岷州人年二十三夫亡撫孤成立守節四十年卒

楊佳棟妻張氏岷州人年二十四夫亡撫孤成立守節四十餘年卒

徐添順妻陳氏岷州人添順以牆崩壓死氏痛哭三晝夜勺水不入口自縊死

楊林妻王氏岷州人年二十六夫亡撫孤成立守節三十餘年卒土司后之隆妻尹氏岷州人年三十夫亡孝奉翁姑撫孤成立守



節三十五年卒

侯國寶妻楊氏岷州人年二十四夫亡撫孤成立守節三十五年卒

馮有良妻喬氏岷州人年二十六夫亡撫孤成立守節三十年卒  
生員羅世傑妻許氏岷州人年二十三夫亡孝奉翁姑撫孤大鳴  
成立守節三十餘年卒長孫同壽亦早亡媳黃氏年二十四撫三  
子成立守節四十餘年卒

戴烈女岷州人年十七未字鹽關回反女同家人徙入州署回聞  
女美必欲得之女乘閒自刎死其家遂免於難

舉人包世祿妻王氏歲貢世福妻高氏岷州人同治三年冬賊破  
岷州世祿兄弟踰垣遁賊以二氏豔欲亂之二氏紿賊出持剪刺  
胸死賊復來見血殷地怏怏去越數日世祿兄弟歸見二氏面如

甘肅新通志

卷七十九

人物志 列女四

美

生感其烈誓終身不復娶

童生陳獻楨妻杜氏岷州人年二十一夫亡撫孤瀨成立後瀨又  
早亡媳某氏奉孀姑撫遺孤寶彬成立姑守節四十餘年卒媳守  
節終身

辛梅喜妻王氏岷州人年二十三夫亡撫孤成立後子殉回難守  
節五十年卒

劉官保妻郭氏岷州人夫亡自縊以殉時年二十三  
連登科妻張氏岷州人年二十五夫亡孝奉孀姑撫孤成立守節  
十六年卒

李文秀妻秦氏岷州人夫亡仰藥以殉時年二十四

附同治閒回亂殉難烈婦表

劉氏已故甘肅候補典史顧榮輝母江蘇人在岷僑寓卒孫玉衡罵賊死



右九年十一月分

陳俊傑妻曹氏洮州衛人早年夫亡撫孤嘉德成立守節五十餘年卒康熙閒 旌表 賜帑金建坊同治五年閩城燬於兵燹惟此坊屢火之不然至今猶存

王旦召妻周氏洮州衛人年二十三夫亡撫孤承堯成立氏年一百一十三歲承堯年九十歲人謂節孝壽考並出一門

馬體元妻張氏洮州衛人年二十一夫亡家極貧無翁姑兄弟伯叔逼之改嫁氏誓死不從以鍼帶撫孤成立守節終身

孟魁璧妻侯氏洮州衛人早年夫亡撫孤成立守節終身乾隆閒 旌表

張某妻白氏洮州衛人早年夫亡矢志不貳家人貪聘隱售之其人至夜率眾來強擁氏出氏哭罵投石擊之死守節終身乾隆閒

甘肅新通志

卷七十九

人物志 列女四

七

旌表

生員姜繩武妻焦氏洮州衛人早年夫亡守節終身乾隆閒 旌表

生員王天一祖母韓氏洮州人早年夫亡守節終身嘉慶二十二年 旌表

盧永安妻丁氏洮州人早年夫亡守節終身嘉慶閒 旌表

訓導袁尙瑞妻夏氏洮州人早年夫亡守節終身嘉慶閒 旌表

常某妻連氏洮州人早年夫亡守節終身嘉慶閒 旌表

梁映魁妻姜氏洮州人早年夫亡守節終身

林得有妻張氏洮州人年二十三夫亡撫孤成立守節四十八年卒

張德有妻姜氏洮州人年二十三夫亡撫孤成立守節五十年卒



己蒙 旌表

蘇廷宰妻李氏洮州人夫亡守節事蹟莫攷道光十五年 旌表  
楊某妻雷氏洮州人年二十二夫亡撫孤毓春成立入庠守節五十餘年卒己蒙 旌表

孟蘊萼妻苟氏洮州人年二十夫亡撫孤成立守節五十餘年卒  
生員李正森妻王氏洮州人年二十夫亡撫孤成立守節五十年卒

喬璋繼妻張氏洮州人年二十三夫亡以翦刺胸死子鳳顯亦早  
亡媳楊氏年二十五撫孤成立守節四十餘年卒

趙某妻某氏洮州人年二十四夫亡撫孤廷璋成立舉於鄉守節  
五十四年卒

張某妻姚氏洮州人早年夫亡撫孤官承成立守節終身

甘肅新通志

卷七十九

人物志 列女四

表

生員李資湧妻劉氏洮州人夫亡不食死時年三十四

楊繡春妻陳氏洮州人年二十九夫亡撫孤蔭塘成立入庠守節  
三十年卒

杜雷代妻李氏洮州人年二十九夫殉回難撫孤成立守節三十  
餘年卒

廩生高映奎妻張氏洮州人年二十七夫亡遺孤鳳西甫週歲家  
貧甚日夜飲泣至一目失明守節四十年卒

劉偉妻張氏洮州人年二十八夫殉回難孝奉祖姑撫孤玉蘭成  
立入庠守節四十二年卒

周元輔妻曹氏洮州人年二十七夫亡孝奉衰翁撫孤成立守節  
五十一年卒光緒十二年 旌表

廩生趙學中妻王氏洮州人年二十四夫亡撫孤琦成立入庠守



節四十餘年卒

蕭映柱妻周氏映椿妻蘇氏洮州人周年十九夫亡撫遺腹子成立蘇年二十四夫亡撫孤成立均守節終身

吳鴻仲妻王氏洮州人年二十四夫亡撫孤芝蘭成立後芝蘭又亡氏慟哭失明復撫弱孫守節四十八年卒已蒙 旌表

楊蔭溪妻武氏洮州人年二十八夫亡撫孤成立守節四十二年卒

宋某妻馮氏 徐某妻馮氏 陳某妻應氏俱洮州人事蹟莫攷同蒙 旌表

張領合妻殷氏洮州人年二十七夫亡撫孤寅斗成立貢成均守節四十餘年卒

王止敬妻宋氏洮州人年二十一夫亡撫孤成立守節五十年卒

甘肅新通志

卷七十九

人物志 列女四

堯

王丕顯妻傅氏洮州人年二十八夫亡孝奉翁姑撫孤成立守節五十年卒

把總王重德妻周氏洮州人年二十五夫亡撫孤成立守節五十年卒

張文元妻馬氏洮州人年二十五夫亡撫孤宗美入庠守節三十年卒

李含瑞妻武氏洮州人年二十七夫亡撫孤炳南入庠守節三十年卒

生員杜登甲妻馬氏洮州人年二十夫亡撫孤成立守節四十年卒

武生陡蘊胡妻孫氏洮州人早年夫亡撫孤成立守節終身

張某妻李氏洮州人年二十二夫亡撫孤成立守節五十年卒



孫瑞麟妻武氏洮州人年二十八夫亡撫孤成立守節三十年卒  
武某妻劉氏洮州人年十九夫亡撫孤經成立入庠後子亡復撫  
遺孫守節五十三年現存

李自春妻劉氏洮州人年二十一夫亡撫孤成立守節三十年現  
存

杜鳴玉妻王氏洮州人年二十八夫亡撫孤成立守節三十二年  
現存

附同治間回亂殉難烈婦表

馬氏 馬之驥妻

右二年十月分

黃氏 馬騰雲妻

右四年十二月分

甘肅新通志

卷七十九

人物志 列女四

卒

閻夏氏 夫名失考與子三元佑同殉

慶齡

吉慶 並夏氏孫女

楊氏 夏氏孫媳

楊氏 均被火焚

尙石氏 夫名失考

右五年正月分

石氏 常勤學妻

閻氏 縣丞呂廷弼妻

右五年十月分

汪氏 姜采蘭妻同幼姪死

右五年十一月分

李氏 王鈞妻

右六年五月分

李氏 王某妻

趙氏 孟椿妻

殷氏 杜某妻

右六年十二月分



